


HISTORIA
MARTYRUM
ANGLIÆ









125/514







125/5/11

❧ HISTORIA ❧

ALIQVOT NOSTRI SAECV

*li Martyrum cum pia, tum lectu iucunda, nun-
quàm antehac typis excusa.*



SAPIENTIAE 5.

Hi sunt quos habuimus aliquando in derisum, & in si-
militudinem improprij. Nos insensati uitam illo-
rum aestimabamus insaniam : & finem illoru...

sine honore. Ecce quomodo computati
sunt inter filios Dei, & inter sanctos
sors illorum est,



Anno

M. D. L.

Jos. alb. Widm. Stadij.

SAINT JOHN

THE HISTORY OF THE

ISLAND OF SAINT JOHN

IN THE WEST INDIES

By

J. H. M.

LONDON: Printed by J. H. M.

at the Office of the

General Post Office

in the Strand

1794

1794

1794

1794

1794

1794

1794

1794

1794

1794

1794

Typographus Lectori S. P. D.



Quorum nostræ ætatis martyrum quorundam uitam sanctam, mortemq; preciosam ac memorabilem, hucusq; penè sub modio latitantem, hac de causa super candelabrum ponere uisum est, ut omnibus qui in domo Dei sunt, tam insignis ac splendida uere Euangelicę fidei lucerna, suo fulgore præluceat, neq; ignorantibus modo ueritatis monstret uiam, sed etiam torpentibus diuinę charitatis, quę semper magna operatur, teste Gregorio magno, & sine qua fides mortua est, stimulum & feruorem addat, uti à somno desidie ac negligentie excitati, abijciant opera tenebrarum, & induantur arma lucis: lapsi item iam resurgant, uacillantes confirmantur, & omnes deniq; in fide Orthodoxa sanctę matris Ecclesię Catholicę, extra quam nemini dabitur salus, fortiter perseuerent. Quod quidem recte poterunt, si martyrum istorum, & uite sanctimoniam, & fidei constantiam ad mortem usq; imitandam susceperint, memores illius dicti Euangelici: Beati qui persecutionem patiuntur propter iustitiam, quoniam ipsorum est regnum cœlorum: Et qui perseuerauerit usque ad finem, hic saluus erit.

VENERANDO

IN CHRISTO PATRI, SVM

MAQVE PIETATE AC DOCTRINA VIRO,

Theodorico Loher à Stratis, Carthusiæ Aulæ Mariæ, in Buxia uico Sue

uiæ prope Memmingen Priori, necnon Visitatori Prouinciæ Alemanniæ

inferioris eiusdem ordinis meritisimo, Vitus à Dulken, Prior domus

montis diui Michaëlis iuxta Moguntiā, ordinis Carthusiensis, &

Guilielmus à Sittart, dictæ domus Procurator, concordēs

& humiles in Christo fratres, S.P.D.



Vamquàm statim à tempore gra-
tiæ, quo filius Dei Iesus Christus,
creator & redemptor noster, Euan-
gelica sua luce uniuersum mundum
illustrauit, ut omnis qui crederet in ipsum, mor-
tem non perhorresceret, sed uitam haberet sem-
piternam, tanta repente exiit Martyrum multi-
tudo, exuberante nimirum uirtutis ac fidei copia,
ut eorum numerus esset innumerabilis, testante
Apocalypsi & dicente: Post hæc uidi turbam
magnam, quam dinumerare nemo poterat, ex
omni gente, & ex omni tribu, & populo & lin-
gua, stantes in conspectu throni & agni, & erant
amicti stolis albis, & palmæ fuerunt in manibus
eorum, & magno clamore dicebant: Salus Deo
nostro

NVNCVPATORIA.

nostro, sedenti super thronum & agno, &c. Tamen paulo post, cum iam primus ille primitiuae Ecclesiae feruor paulatim elanguescere inciperet, animique Christianorum ad uitia, quam ad uirtutes penne proniores ferrerent, martyria simul rarescere coeperent, licet passim alioqui & praesertim in caenobiiis multi extiterint sancti patres, qui obedientiae, castimoniae, patientiae, humilitatis & deuotionis, non poenitenda ediderint exempla, Quo admirabiliore merito censendi sunt hi Carthusiani, quorum nos historiam syncera intentione publicari curauimus, qui in ipso mundi iam senescetis casu, quo omnia uitia stant in precipiti: adeo, ut nequeant uel ulterius progredi, uel altius conscendere, animis tam obstinatis, tantaque mentis ui & flagrantia in Catholica fide & Orthodoxa nostra religione perstiterent, quamlibet interim frementibus carne, mundo & Diabolo, ut primae uis illis martyribus non modo pares, sed tanto habeantur iure superiores, quanto fuerunt tempore posteriores. Illi enim superiores tum immolati fuere Christo, cum nemo fere difficile uel arduum putaret, martyrem fieri, propter innumerabilem eorum, qui quotidie tanquam oues occisionis ad lanienam traherentur, multitudinem.

EPISTOLA

At hī nostri cum paucissimis alijs, quorum precipui fuere nulla unq̃ obliuione oblitterandi, D. Ioannes Phischerus, Episcopus Roffensis, & Thomas Morus, hoc nostro corruptissimo seculo, quo penē prodigij instar sit, pro Christo mori, eandem quam illi in opprobrijs patientiam, in uultu hilaritatem et in uoce constantiam retinuere pariter ac præstitere, idque in ipso flagrantissimo acerbissimorum suppliciorum cruciatu. De diuo Laurentio legitur, quod cum corporali laboraret incendio, amor diuinus naturalem restinxerit ardorem, & quamuis Tyrannus fomenta adderet, ligna subijceret, incendia augeret, ipse tamē has flammās prę fidei ardore non senserit. Charitas em̃ Christi flammā ignis superabat, & internus ignis multo ardebat uehementius, q̃ externus, nec uisceribus sensit urētia tormenta, qui sensu interiore refocillantia Paradyssi possidebat refrigeria. Ipse ergo in tormentis gaudebat, Tyranno insultabat, & ad perficienda supplicia blandissimis uerbis inuitabat uliro. Ecce, inquit ad Decium, Carbones isti tui sunt mihi loco refrigerij. Et iterum. Assatum est mihi latus alterum, uersa & manduca. Item diuus Vincentius raptus, tractus, flagellatus,

NVNCVPATORIA.

latus, ac iam iā cruci suffigendus, moras carnificū increpauit, ac Deciano dicenti. Vbi nunc miser cernis corpus tuū, respōdit: Infoelix, has ego epulas semper optauī. Et Tiburtius, cū iussus per carbones uiuos nudis plantis incederet, inquit. Videor ēquidē mihi per florētia roseta obambulare, in nomine Domini nostri Iesu Christi. Quid dicemus de uirginibus martyribus, ac cū de alijs innumeris, tum de diua Agatha et beata Catharina, quarū illa cum à iudice Quintiano interrogaret, quare cum à cruentis spiculatoribus duce retur, glorians et exultans ad carcerē accederet. Quia (inquit) ibi quos semper optauī, cœlestes inueniā thesauros, quos neq; grugo atteret, neq; tinea unq; sic consumptura. Hęc uero ad Maxentium Imperatorem sic ait. Adhibe quęcunq; uel humana crudelitas, uel Tyrannica diritas fingere potest tormenta. Nam ego carnem et sanguinem meū Christo sponso meo iam diu offerre desidero, sicuti ille quondam Deo patri sese pro me uictimā prębere non recusauit. Non minor utiq; uirtus & constantia fuit, horum nostrorū martyrum Carthusianorum, licet uergente mundi uespere, ac omnibus mortalium actis uno quodam impetu in peius quotidie proruentibus. Aestum, frigus,

EPISTOLA

frigus, famem, suum, nuditatem, carceris squalorem patientissime pertulere, cumq; ad supplicium duxisset carnifex, et quod dictu est horrendum, uiua adhuc & palpitantia corda pectoribus raptim euulsa in eorum ora coniceret, simulq; exprobraret, suam erga regem inobedientiam & infidelitatem. Nostra, unanimiter inquit, illic sunt corda, ubi est thesaurus noster Iesus Christus, & fidem obedientiamque nostram ab illo supremo omnium rege iam audimus in coelis commendari, qui et ipse iam iam incipit capitibus nostris imponere coronas de lapidibus preciosis. Hæc tu regi tuo renunciato, ut & is per eiusdem misericordiam aliquando conuersus, diuina gratia non excludatur, quam nos illi, ut uerè fideles subditi, pijs semper uotis sumus comprecati. O inconcussa fidei rupes, o uerè consolidata fidei petra, quæ tam horrendis supplicijs, tantaq; cruciatuum diritate non potuerit quicquam commoueri, sed perstiterit ubique firma, fixa, immota et inuicta, idq; in ipso mundi senio, inq; summa humani generis licentia, ignauia, uerecordia & mollicie, in ipso deniq; extremo totius effusi Tartari furore. Quum igitur Maiores nostri accurata diligentia superiorum Martyrum historias monu-

NVNCVPATORIA.

monumentis literarum commendauerint, ut eæ certis festiuis diebus populo Christiano propositæ, incitamento sint, ad similia in afflictionibus perferenda, paremque fortitudinem & perseuerantiam in aduersis certaminibus adhibendam. Nihil enim est aliud uniuersa Christiani hominis uita, q̃ militia super terram. Iuxta illud Chrysostomi: Tu Christiane delicatus es miles, si putas te sine pugna uincere, sine certamine triumphare, exerce uires fortiter, dimica atrociter, in prælio isto concerta, considera pactum, quod spondidisti: conditionem, quam accepisti: militiam, cui nomen dedisti, hoc pacto cuncti pugnant, hac conditione uniuersi uicere Christiani, &c. Haud abs re & nos quoq; uidebamus facturi, si præsentibus hos nostri sæculi & ordinis martyres, pari pietate ac industria descriptos, curaremus in publicum uenire, ac candidis animis per Typographorum operam immortalitati consecrari, præsertim cum hij eo nobis maiori debeant esse hortamento ad eundem calicem, si ita Deo placuerit, bibendum, quo et ætate propiores, & propter eundem ordinem eandemq; uitæ regulam nobis fuere coniunctiores.

Porro autem uobis Reuerendæ Pater, ob id

b

potissis

EPISTOLA

potissimum præsentem hanc historiam transmittendā, uestroq; nomini peculiariter nuncupandam duximus, ut quemadmodum hætenus & uitæ instituto & periculis sustinendis, proximè ad istorum sanctorum Martyrum imitationem accessistis, ita et in posterum ipsorum exemplo ad perseuerandum, quæq; coepistis uia, intrepide pergendum & ad cursum alacriter consummandum animemini, incitemini et corroboremmini. Non defuit antehac animus uester martyrio, sed potius animo uestro martyrium defuit, qui pro Christi charitate ac nostræ religionis zelo, innumerabiles in hunc usq; diem peregrinationes, labores, molestias & uitæ discrimina sustinistis, dum primum Hildesemensi Carthusia excedere iussi, ac mox à Reuerendo totius ordinis patre & capitulo generali commissione legitime accepta, nullum diem intermisistis, nullamquæ uobis requiem concessistis, quin in diuersis Carthusijs ab Apostatis passim ablata repeteretis, diruta repararetis, deprauata reformaretis, omniaq; tandem in pristinam & Catholicam Orthodoxorum patrum integritatem reuocaretis, qua in palæstra, dum foeliciter, aspirante cælesti fauore, luctamini, quantam edij molem, quan-

NVNCVPATORIA.

quantamq; huius mundi magnatum & potentum inuidiam sustinueritis, hac præsertim turbulentissima tempestate, facile est cuius non imprudenti per sese estimare. Ceterum, quemadmodum uos istis uestris laboribus, nisi ab ipso sufficiente omni boni remuneratore Deo, condignâ mercedem nunq; accipietis: ita currentibus uobis calcar addere, & pro uirili allaborare, ut in salutari isto opere ad finē usq; perduretis, nullâ, sicuti planè nobis persuademus, apud uos utiq; in reprehensionē unq; incurret. Quinimò præsentē hanc nostrę erga Reuerendam uestrâ paternitatē obseruantię significationē, tanto speramus uobis futurâ gratiorem, quanto Carthusianorum istorę Martyrum historia, propter eundem (sicuti iam aliquoties dictum est) ordinē eandemq; uitę regulâ, planēq; contemporaneâ nobis passionē, efficacius, uiuidius, & expressius potest uos in magnanimis & diuinis istis uestris operibus confirmare & corroborare, adiutore patre cœlesti, qui ut similiter perficere non dedignetur, quod in uobis, tanq; singulari ad hoc delecto organo incepit, per Dominū nostrum Iesum Christū indefinenter obsecramus. Edicta nostra domo ad Moguntia sita, Anno Dominicę incarnationis, 1550. Mense Iulio.

b ij Ve.

VENERABILI
BUS ET RELIGIOSIS VIRIS
ac Dominis, Vito à Dulken Priori, & Guilielmo à Sittart Procuratori Carthusiæ Moguntinæ, suis in Christo colendis Patribus, Cyprianus Vomelius à Stapert, LL.
Doctor, S.

Constituunt alij speciosa toreumata Diuis,
Dum precio grandi marmor eburq; parât.
Votiuas alij ponunt de more tabellas,
Quas rude miretur uulgus in æde sacra.
Est quoq; qui statuas auro gemmisq; decoret,
Ingenij cupiens ædere signa pij.
Ast hæc cuncta loco tantum spectantur in uno,
Quoq; minus prosunt, hoc minus illa probem.
Vos ô Vite Prior facitis præclarius ergo,
Atq; domus curam tu Guilielme gerens:
Qui studio unanimi & sincera mente, piorum
Aeditis in lucem facta stupenda Patrum,
Ut iam cognosci possint, cerniq; legiq;
Quâ Sol Oceani flammiger ambit aquas,
Vtq;

Vtq; hæc Christicolæ doceant exempla per orbem,
Vulnera pro Domino ferre Crucemq; suo.
Hanc operam uestram laudare uiriliter ausim,
Atq; alijs multis præposuisse uelim.
Hæc uestros animos intentio sancta decebat,
Hæc exercitijs cura beata fuit.
Qui uelit, aspiret grandes ad opes & honores,
Hæc sit uestra quies, uester hic esto labor.
Cumq; sacris hymnis precibusq; Deoq; uacatis,
Nostra, precor, uestri pars quota sit meriti.

b iij Tabula

TABVLA AFFIXA AD SE-
pulchrum Thomæ Mori.

Vita Thomæ
Mori.

Thomas Morus vrbe Londinensi, familia non celebri, sed honesta natus, in literis ut-
cunque uersatus, quum & causas aliquot annos iuuenis egisset in foro, & in urbe sua pro Ehyre-
no ius dixisset, ab inuictissimo Rege Henrico Octauo (cui uni Regum omniū gloria prius in-
audita contigit, ut fidei defensor, qualē et gladio se et calamo uere prestitit, merito uocaretur) ad-
scitus in Aulam est, delectusq; in Consilium, & creatus Eques, Proquæstor primum, post Can-
cellarius Lancastriæ, tandem Angliæ, miro Principis fauore factus est. Sed interim in pu-
blico Regni Senatu lectus est Orator populi.

Tunstallus.

Præterea Legatus Regis nonnunquam fuit, aliās alibi. Postremo uero Cameraci, comes & collega iunctus principi legationis Cuthberto Tunstallo, tum Londinensi, mox Dunelmensi Episcopo. Quo uiro uix habet Orbis hodie quicquam eruditius, prudentius, melius. Ibi in-
ter summos Orbis Christiani Monarchas rur-
sus resecta fœdera, redditamq; mundo diu desi-
deratam pacem, & lætissimus uidit, & legatus interfuit, quam superi pacem firment, faxint-
que

que perennem. In hoc officiorum vel hono-
rum cursu, quum ita uersaretur, ut neque Prin-
ceps Optimus operam eius improbarer, neque ^{Qualis in Ma-}
Nobilibus esset inuisus, nec iniucundus popu- ^{gistratu fuit}
lo, ^{Morus.} suis autem, homicidis, hæreticisque mo-
lestus. Pater eius tandem, Ioannis Morus
Eques, & in eum iudicum ordinem à Principe ^{Pater Mori.}
cooptatus, qui Regius confessus uocatur, ho-
mo ciuilis, suauis, innocens, mitis, misericors,
æquus & integer, annis quidem grauis, sed cor-
pore plus quam pro ætate uiuido. Postquam eò
productam sibi uitam uidit, ut filium uideret
Angliæ Cancellarium, satis in terra iam se mo-
ratum ratus, libens emigravit in coelum. At fi-
lius de sancto patre (cui quam diu super erat
comparatus, & iuuenis uocari consueuerat, &
ipse quoque sibi uidebatur) amissum iam patrem
requirens, & editos ex se liberos quatuor ac ne-
potes undecum respiciens, apud animum suum
cepit per senescere. Auxit hunc adfectum ani-
mi subsequuta statim, uelut adpetentis senij ^{Philosophia}
gnum, pectoris ualeitudo deterior. Itaque mor- ^{Mori.}
taliū harum rerum satur, quam rem à puero
penè semper optauerat, ut ultimos aliquot uitæ
suæ annos obtineret liberos, quibus huius uitæ
negotior

negotijs paulatim se subducens, future possit im-
mortalitatē meditari, &c. Tandem Anno Miles-
simo quingentesimo tricesimo quinto, sexto
Nonas Iulij, ob defensionem Iustitiæ ca-
pite truncatus, foeliciter migrare mi-
ruit ad Christum. De quo in
fra latius folio 3. B.

*Bernardus ad Carthusianos fratres
de monte Dei.*

Nolite timere pusillus grex, ait Dominus: sed
omnino confidite, quia complacuit Deo Patri,
dare uobis regnum. Videte fratres mei uocatio-
nem uestram. Altissima enim est professio
uestra: coelos transit, par angelis est, ange-
licæ similis puritati.

Quicquid habes meriti, præuentrix gratia donat,
Nil Deus in nobis præter sua dona coronat.
Tendimus huc omnes, metā properamus ad unam,
Tristia damnatis, sunt gaudia plena beatis.
Dignior est sceptro, & regni diademate uirtus,
Post obitum æterna manet sequiturq; sepultos.

De

1
DE CAPTIVI
TATE ET MARTYRIO D. IO

*annis Phischeri, Episcopi Roffensis, propter
secundas nuptias Regis, & constitutionem
schismaticam.*



Reuerendus Pater D. Ioannes,
Episcopus Roffensis, dum per
pastoralem curam apud oues sibi
commissas residens, custodiret
uigilias noctis supra gregem suum,
tum uite sanctimonia atque austeritate,
tum administrandis Sacramentis, tum assiduitate
docendi uoce simul & scriptis, denique mira liberalitate
in egenos, benignitate in studiosos multis annis
uerum agebat Episcopum. Hic ergo quasi stella
matutina in medio nebulae, & quasi luna plena in
diebus nostris, & quasi sol refulgens, sic effulsit
in templo Dei, errantiumque tenebras suae sanctitatis
et eruditionis splendore discussit. Verum talis
ac tantus uir, qui in diebus suis placuit Deo, &
inuentus est iustus, dum urgente conscientia, primum
quidem secundis nuptiis, quas Rex (repu-
diata

HISTORIA

diata & superstitie D. Catharina prima uxore sua) cum quadam Anna superducta , Anno Domini M. D. XXXIII. celebrare constituerat , tum uerbis tum scriptis contradiceret : Deinde nouæ constitutioni totius Concilij seu Parlamenti regij (quæ Regem ipsum supremū post Christum , tam in spiritualibus quàm temporalibus , regni caput , sub pœna corporum & rerum , ab omnibus suscipiendum & tenendum , & omnem aliam extra regnum Ecclesiasticam potestatem abnegandam , schismatica temeritate mandauerat) sese Dei solius & ueritatis intuitu , constanter opponeret , per satellites publica potestate apprehensus , & in arce seu turri Londoniensi multis diebus captiuus detentus est. Hinc XV. Kalendas Iulij , Anno XXXV. productus , & ad curiam prope Westmonasterium frequenti satellitum armatorum stipatu , perductus est , partim nauigio , partim equo , ob corpusculi debilitatem , quam præteritatem auxerat carceris incommoditas , licet ipse ualitudinem suam ieiunijs & uigilijs , studijs & laboribus ac lachrymis , uehementer aggrauasset. Ille uero , tametsi non ignoraret eius cognitionis exitum , nihil tamen perturbatus est , sed placito ac
prope

MARTYRVM ANGLIÆ. II

prope etiam ad hilaritatem uultu composito, ad tribunal euocantibus paruit. Cumq; super obiectis articulis interrogaretur, iuxta D. Thomæ Mori, & aliorum qui sequuntur martyrum responsa, in sequentibus fusius expressa, per omnia Catholicè respondit, adeo, ut mirarentur aduersarij conformitatem responsorum, nescientes unum ueritatis spiritum, unam per omnes eloqui ueritatem. Quapropter iuxta morem eius regionis, per duodecim uiros, ad pronuncian- dum de eo (num morte dignus esset, qui constitu- tioni Parlamenti obstitisset) delectos, foedo & terribili mortis genere damnatus est, simul atq; Regi uisum esset. Hoc adiectum creditur, si forte spe ueniæ posset à sententia deduci, suppl. cio territus Carthusianorum, qui paulo ante, suspen- si, cui scerati, & membratim diuisi fuere. Quod autem mitiore post pœna affectus est Roffensis, q̃ minabatur iudicum sententia, in causa fuisse putatur, quòd metuerint, ne senex & exhausto corpusculo, si per uia tam longam rheda trahæue tractus fuisset, ut alij, sponte expiraret. Igitur no- ster Roffensis accepta tam horrendæ mortis sen- tentia, quum satellitibus stipatus reduceretur in arcem, ut ad ostium uentum est, uersus ad satel-

HISTORIA

lites hilari placidoq; uultu: Plurimam (inquit) boni uiri, uobis habeo gratiam, pro officio quo me euntem & redeuntem deduxistis. Dixisses hominem ex hilari suauiq; redire conuiuio, adeo & color erat iucundior, & ipse toto corporis gestu, quatenus per grauitatem licuit, letitiam quamdam pre se ferebat, ut nemini non esset perspicuum, sanctissimum uirum, ceu iam portui uicinum, toto pectore ad illam beatam tranquillitatem aspirare. Nec diu dilata est mors. Ad decimum Calen. Iulij productus in planiciem, quam Angli uulgo dicunt turris collem, uultu non solum constanti, uerum etiam alacri, paucis allocutus est populum. Primum Regi Regnoq; bene precatus est. Mox ardenti magis quam prolixa oratione seipsum, Dei misericordiae commendauit: si nulloq; procumbens in genua, gracili & exhausta ceruice securim accepit. Neque enim apud Anglos carnifices gladio ceruicem incidunt, sed damnato in truncum ad id apparatus inclinanti, securi caput amputant. Quanto cum animi dolore uiderint hoc spectaculum, quibus religio pietasq; cordi est, & qui Christi spiritum in pastore operantem experti fuerant, facile quibus ex se poterit aestimare.

Fertur

MARTYRVM ANGLIAE. III

Fertur quidem, quum Episcopi Roffensis caput esset in ponte Londoniensi de more expositum, non solum non emarcuisse, uerum etiam magis effloruisse, uiuoq; factum similius. Ea res seu fama, quum uulgo increbuisse, sublatum est atq; abditum. At ueriti ne idem eueniret in capite Thomæ Mori, priusquam exponeretur, aqua feruenti decoctum est, quo plus haberet horroris. Heu quomodo morit iustus, & nemo percipit corde: Heu quomodo sanctus Doctor Ecclesię, præco Dei, propugnator fidei, uerus pastor, dans animam pro ouibus suis, tanquam fur ^{Ioan. 10.} & latro propter uilissimam adulteram, pro suis sceleribus postmodum ultimo supplicio, ab ipso Rege affectam, diutissimo carceri mancipatur, & propter unitatem fidei & Ecclesię tuendam, turpi mortis genere necatur, dum Christum & eius sermones erubescere coram hominibus recusat.

¶ *De D. Thomæ Mori captiuitate, bonorum confiscatione, & ultimo supplicio, propter confessionem ueritatis.*

B iij Thomas

HISTORIA



Thomas Morus non ita pridem regni Britannici Cancellarius (qui hanc suam tempestatem uenturam tum presentiens, ne cogeretur innocentibus inferre, quod in se ipso iam perpessus est) officium Cancellariæ, quod proxima post Regem dignitas est, sponte resignauit. Cumq; secundis Regis nuptiis ex solo Dei timore contradiceret, bonis suis omnibus priuatus, & perpetuo carceri addictus est. Anno autem Domini M. D. XXXV. Calendis Iulij, ex arce Londoniensi,eductus ac Magistratui & iudicibus à Rege ordinatis præsentatus fuit. Ibat reus baculo innixus, tam longam uiam, corpore graui infirmitate in carcere debilitato, nihil tamen perturbationis uultu præ se ferens. Primum recitati sunt articuli criminum, quæ illi obijciebantur. Mox Cancellarius, qui Moro successit, ac Dux Nortfordij, hunc in modum reum allocuti sunt. Vides More te quidem ex hac parte in Regiam maiestatem grauiter deliquisse, nihilominus tantum de ipsius clementia & benignitate confidimus, si pœnitere uolueris, tuamque hanc temerariam opinionem, cui pertinacissime adhæsisisti, in melius commutare, te delicti

MARTYRVM ANGLIÆ. IIII

delicti remissionē facile consecuturum. Quibus Morus, Magnifici uiri, uobis (inquit) gratiam habeo, de uestra erga me beneuolentia. Verum illud solum Deum optimum maximum oro, ut ipsius ope adiutus, in hac mea recta opinione usque ad mortem perseverare ualeam. Quantum autem ad accusationes, quibus oneror, attinet, uereor ne uel ingenium, uel memoria, uel uerba ad explicationem sufficiant, cum non solum impedit articulorum prolixitas & magnitudo, uerum etiam diuturna in carcere detentio, necnon ægri tudo debilitasque corporis, qua nunc sum affectus. Tum iussu Magistratus allata est sella, qua cum resedisset, hunc in modum sermonem profecutus est.

Quantum ad priorem partem accusationis pertinet, quæ habet. Me, quo magis animi mei contra Regem maleuolentiam ostenderem, in contentione de secundo eius matrimonio, perpetuo obstetisse serenissimæ eius Maiestati, nihil aliud habeo respondere, nisi quod iam antea dixi, id urgente conscientia me fecisse. Non enim uolebam nec debebam Principem meum celare ueritatem. Quod nisi fecissem, præsertim in re tanti momenti,

B iij unde

HISTORIA

undependebat & Principis honor & regni tranquillitas, tum uere fuissem quod nunc obiicitur, maleuolus, perfidus & proditor. Ob hoc delictum (si modo delictum dici debet) grauissimas dedi poenas, exutus omnibus facultatibus meis, illisque fisco addictis, ac perpetuo carceri adiudicatus, in quo iam menses quindecim totos fui detentus. Sed his omissis, tantum ad ea respondebo, quæ sunt huius negotij præcipua. Dicitis me poenam commeruisse, quam infligit constitutio seu statutum, in proximo Procerum conuentu, me in carcere agente, factum, quasi malitioso ac perfido animo, proditorie detraxerim Regiæ maiestati, famam, honorem, ac dignitatem, quæ illi per dictam constitutionem consensu omnium erant tributa, uidelicet quod ibi Rex declaratur sub Iesu Christo supremum caput Ecclesiæ Anglicanæ. Atque ante omnia quod mihi obiicitis, me nihil uoluisse respondere Secretario Regis ac uenerabili maiestatis illius Concilio, quando me interrogabat, quæ nam esset mea de illo decreto sententia. Respondi me iam mundo mortuum esse, nec istiusmodi negotijs amplius sollicitari, sed tantum meditari in passionem Domini nostri Iesu Christi. Ad quod iam
clare

MARTYRVM ANGLIÆ. V

clare respondeo, uobis ob huiusmodi meum silentium me morti adiudicare non licere. Quoniam neque uestrum decretum, neque ullæ leges mundi possunt quenquam ob silentium addicere morti, sed tantum ob dictum uel perpetratum facinus. De occultis enim solus iudicat Deus. Tum regius Procurator suscipiens sermonem, Huiusmodi (inquit) silentium certum aliquod indicium erat & obscura significatio, malignæ alicuius cogitationis contra ipsum decretum, propterea, q̃ omnis subditus syncerus & fidelis Regi, si de dicto decreto interrogetur, tenetur citra omnem dissimulationem respondere, Regium edictum esse bonum, iustum ac sanctum. Tum Morus. At si (inquit) uerum est, quod ius commune habet: Qui tacet consentire uidetur, meum istud silentium plus approbauit uestrum decretum q̃ infirmavit. Iam quod dicis omnem fidelem subditum obligari, ut respondeat Regium edictum esse bonum, si interrogetur. Respondeo bonæ fidei subditum magis obligatum esse Deo, conscientiæ & animæ suæ, quam ulli aliæ rei in hoc mundo, maxime si talis conscientia, qualis est mea, nihil offendiculi, nihil seditionis pariat domino suo. Nam illud

C pro

HISTORIA

pro certo uobis affirmo, quòd nulli mortalium hac in re detexerim conscientiam meam.

Venio nunc ad secundum accusationis caput, quo arguor contra dictam constitutionem seu decretum uestrum machinatus fuisse, eo quòd ad Roffensem scripserim octo paria epistolarum, quibus illum animarim aduersus istud edictum. Equidem uehementer optarim eas epistolas hic proferri. Sed quoniam sicut uos dicitis, per Episcopum exustæ sunt, ipse uobis ultro illarum argumenta commemorabo. In quibusdam tractabantur res familiares, sicut nostra uetus consuetudo & amicitia postulabat. Vna ex illis responsum ad ipsius epistolam habebat, qua scire desiderabat, quo nam modo respondissem in carcere, cum prior examinerer super dicto decreto. Cui respondi me meam conscientiam exonerasse, & rationem esse secutum: idque ut ipse similiter ageret, admonebam. Hæc fuit, ita sit mihi Deus propitius, mearum literarum sententia. Harum igitur causa non possum per uestrum decretum siue edictum addici morti.

Quod uero ad tertium articulum attinet, qui continet me cum à Senatu examinerer, respondisse

MARTYRVM ANGLIÆ. VI

disse, uestrum decretum simile esse gladio ancipi, ut qui obtemperaret, periclitaretur de salute animæ, qui auersaretur, amitteret uitam, ac eadem respondisse Episcopum Roffensem, sicut dicitis: Ex quo appareat hæc inter nos de composito agi, utroque eodem modo respondente. Ad hæc respondeo, me non simpliciter, sed sub conditione esse locutum, Videlicet si esset aliquod statutum simile gladio ancipiti, quo nam modo quisquam hominum sibi posset cauere, ne alterutram aciem incurrat? Porro quid responderit Episcopus Roffensis, ignoro, & fieri potest, ut eodem modo responderit. Si illius oratio cum mea congruebat, id nequaquam accidit ex conspiratione, sed potius ex ingeniorum ac doctrinæ similitudine. Breuiter illud pro certo habetote, me nunquam malitiose quicquam locutum contra uestrum decretum. Interim tamen fieri potuit, ut multa ad concitandum mihi odium apud Regiam Maiestatem deprauate sint perlata.

Post hæc uocati sunt per ministrum publicum duodecim uiri, iuxta gentis illius consuetudinem, quibus traditi sunt articuli, ut super illis

C ñ consul-

HISTORIA

consultarent ac iudicarent, an Morus malitiose contra decretum peccauisset. Qui cum per horæ quartam partem secessissent, reuersi sunt ad Principes & Iudices delegatos, ac pronunciarunt Gylthi, hoc est, condemnandus aut dignus est morte. Mox Cancellarius pronunciauit sententiam iuxta formulam memorati decreti.

His ita peractis, Thomas Morus sic orsus est loqui. Quando (inquit) morti sum adiudicatus (recte ne an secus, nouit Deus) ad exonerandam meam conscientiam, libere uobis de uestro decreto dicam quod sentio. Primum illud dico, me septem annis intendisse animum studiumque meum in istam causam. Verum hactenus in nullo doctorum ab Ecclesia probatorum reperi scriptum, quod Laicus, aut ut uocant secularis, possit esse caput status spiritualis aut Ecclesiastici. Hic Cancellarius interrumpens Mori sermonem, Domine More (inquit) ita ne tu uis haberi sapientior meliorisque conscientiae omnibus Episcopis, tota nobilitate, toto denique regno? Ad quæ Morus, Domine (inquit) Cancellarie, pro uno Episcopo, quem habes tuæ opinionis, mihi sunt facile centum, idque ex illorum numero, qui inter diues relati sunt; & pro unico uestro Concilio

MARTYRVM ANGLIÆ. VII

cilio (quod quale sit, Deus nouit) pro me habeo omnia Concilia generalia, annis ab hinc mille celebrata: et pro uno regno, habeo Franciam, ceteraꝫ Christiani orbis regna oīa. Hic dux Northfordij interpellans, Nunc (inquit) More perspicue liquet tua maleuolentia. Ad quæ Morus, Vt hæc loquar (inquit) non incitat maleuolentia, sed cogit necessitas, ad exonerandam conscientiam meā, teste Deo, qui solus scrutatur corda hominū. **Rom. 8** Preterea hoc quoꝫ addo, uestrum decretum perperam esse factum, quoniam ex professo iurastis, nihil unquam facere contra Ecclesiam, quæ per uniuersam ditionem Christianam unica est, integra & indiuidua. Neque uos soli ullam habetis auctoritatem, citra aliorum Christianorū consensum, condendi legem, aut instituendi Concilium aduersus unionem & concordiam Christianitatis. Sed non ignoro, cur me morti adiudicaueritis, uidelicet ob id, q̃ nunquam uoluerim assentire in negotio noui matrimonij Regis. Sed tamen mihi magna spes est in bonitate diuina, quòd quemadmodum sanctus Paulus legitur persecutus fuisse diuum Stephanū, qui tamen iam unanimes agunt in coelo, sic nos qui discordes sumus in hoc mundo, in fu-

C in turo

HISTORIA

turo sæculo pariter sumus concordēs, & perfectā charitate unanimes. Hac spe fretus, precor Deum, ut uos seruet unā cum Rege, eique dare dignetur bonos consultores.

Cum uero iam peractō iudicio, Morus in carcerem reduceretur, priusquam ad currim esset peruentum, una filiarum, eius nomine Margareta, per mediam satellitum turbam ruens, flagrans immodico desiderio patris, nulla habitatione sui, nec loci publici, nec circumstantium, uix tandem ad patrem perrupit, ibique collum eius amplexa, miserando fletu suum extremum dolorem est testata. Cumque illum aliquandiu arctissime constringeret, dolore uiam omnem uocis præcludente, pater permisso satellitum, eam hoc modo consolatus est. Margareta esto animo forti, nec te excrucies amplius. Ita uisum est Deo. Iam pridem nostri secreta cordis mei. Inde patre decem aut duodecim passibus abducto, rursus accurrit ad amplexum patris. Ibi Morus nullis emissis lacrymis, nulla uultus perturbatione, hoc tantum dixit. Vale, & Deum pro salute animæ meæ deprecare. Hic apud se quisque reputet, quā

MARTYRVM ANGLIÆ. VIII

quàm ualido pietatis mucrone transfixum sit
cor Mori.

Inde septimo die Iulij, fuit capite truncatus,
in magno campo, qui est ante Regiam: Ac
pauca priusquam obiruncaretur, loquebatur.
Tantummodo rogans circumstantem multitu-
dinem, ut pro eo orarent in hac uita. Ipse uicif-
sim in alia uita intercederet pro illis. Præterea
illos ardentissime hortabatur, ut Deum pro
Rege suo deprecarentur, quatenus illi dare ue-
lit rectum consilium & mentem bonam. Palam
protestans se mori eius fidelem ministrum, in
primis tamen Dei omnipotentis.

¶ *De D. Reginaldi Theologi Martyrio, respon-
sis, & sententia mortis propter fidem Ecclesiæ.*



Nno M. D. XXXV. die quinta
decima mensis Aprilis, in aula ma-
iori de Vuestmunster, Principes &
domini Angliæ, cæteriç ludices
congregati, statuerunt quorundam religioso-
rum & sæcularium audire responsionem, qui
nonnulla contra Regiam maiestatem dixisse,
scripsisse uel accusati, eorundem haberent redde-
re

HISTORIA

re rationem. Itaque inter hos primo Doctor quidam Theologiæ, uir angelico uultu omnibus gratus, & spiritu Dei plenus, ex Abbatia dicta Syon, Londoniæ ordinis S. Brigittæ, interrogatus est per D. Cancellarium in hac forma. Cur soli (inquit) uos præsumptuosi uultis persistere in opinione uestra, quæ sententiæ datæ per Parlamentum, hoc est, per tam grandes dominos & Episcopos, omnesque ferè uniuerſi regni proceres, contraria est? Ad quod idem Doctor respondit. Decreueram quidem imitaturus Dominum nostrum Iesum Christum, dum in iudicio coram Herode statueretur, nihil respondere: Verum quoniam me urgetis ad finem, quo tam meæ quàm hic astantium conscientijs satisfaciam, dico quod nostra opinio, si de testimonijs uerorumquè suffragijs agi posset, instructior copijs esset, atque testimonijs multo copiosior, quàm uestra. Siquidem pro quibusdam, quos tu ex unius regni Parlamento adducis, totum ego habeo mecum orbem Christianorum, exceptis adhuc his, qui sunt de hoc regno, non dicam omnes de regno, quoniam minor pars pro uobis est. Et dato, quod maior pars regni insectaretur opinionem meam, tamen

MARTYRVM ANGLIÆ. IX

men id non fieret ex sententia, sed per externam duntaxat simulationem: idque metu amittendarum dignitatum ac honorum, aut spe fauoris regij sibi conciliandi. Super quo articulo, quanto-
tius illi mandatum est per Secretarium regis, sub pœna incurrendi rigorem legis, quatenus manifestaret, qui nam illi essent, de quibus loqueretur. Ad quod respondit omnes esse bonos huius regni. Et continuans suum primum propositum dixit. Quantum ad testimonia spectat defunctorum Patrum, ego pro mea parte habeo Concilia generalia, omnes pastores & doctores Ecclesiæ, qui fuerunt à mille quingentis annis, singulariter uero sanctos, Hieronymū, Ambrosium, Augustinum, Gregorium. Et certus sum, quòd postquam serenissima maiestas huius rei cognouerit ueritatem, erit supra modum offensa quibusdam Episcopis, qui hoc illi consilium dederunt. Post hæc mandabatur ei, ne ultra loqueretur, sed solum responderet ad hoc, quod causam grauare uidebatur, qua uidelicet ratione ipse per grandem malitiam, contra auctoritatem Regis intra regnum multis dissuadere non ueretur, ne opinioni Regiæ maiestatis & Parlamenti consentirent. Tum ille, Ego (inquit) uo-
D bis

HISTORIA

bis respondeo primum, Si starem in iudicio coram Deo, manifestum fieret, nunquam me contra Regem, nec contra quamcunque aliam personam, per malitiam declarasse meam opinionem homini cuicunque uiuenti, sed quibus resistere non potui, ad exonerandum meam propriam conscientiam, id commisi in confessione. Verum est, me uehementer fuisse contristatum, postquam serenissimam Maiestatem in tanto prehenderam errore, sed nunquam inde locutus sum aliter quam dixi. Et si tunc non declarassem meam sententiam, ego iam declararem: quoniam in hac parte obligatus sum Deo, & conscientiae meae, & in talibus iure non possum offendere Principem meum, nec quemuis alium. Hinc illico impositum ei fuit silentium. Verum ille, Postquam non uultis (inquit) quod amplius loquar, secundum legem uestram me iudicate. Inde cum audisset à duodecim uiris ad hoc delectis, se condemnari reum mortis, dixit cum magna constantia, Hoc est iudicium mundi. Deinde supplicauit iudicibus, ut darent sibi spatium duorum aut trium dierum uitae, ad præparandum conscientiam suam, qua mori possit, quomodo religiosum & bonum decet Christianum. Cui responsum

MARTYRVM ANGLIÆ. X

sponsum est, in sola bonitate consistere Regis, si uelit illi hoc præstare, & id amplius in Iudicium non esse potestate. Ad quod ille, Credo (inquit) uidere bona Domini in terra uiuentium.

¶ *De crudeli maculatione diuersorum, pro ueritatis testimonio.*

PRior Londoniensis Carthusiæ accessit Eleemosynarium Regis & doctorem Latmet, & alium quendam Doctorem, dicens pro releuatione conscientiae suae uelle dicere tria. Primum, uiso quod Dominus noster Iesus Christus dedit suis Vicarijs spirituales potestates per sua uerba Euangelica: Et tibi dabo clauēs regni cœlorum, & nullus unquā doctorū hæc uerba alteri dicta esse asseuerauit, præterquā sancto Petro soli, quæ quidē potestas inde ad alios deriuat Apostolos, et consequenter ad Papam & Episcopos. Quo ergo modo possent illa uerba intelligi de Rege homine Laico et seculari, quia ipse sit supremum caput, & primas Ecclesiæ Anglicanæ? Secretarius autem Regis aud.ēs uerba hæc, dixit. Tu ergo uis fac re Regem presbyterū, mandans ne amplius loqueretur. Postea per duodecim uiros pronunciata est

Dñi sententia

HISTORIA

sententia mortis, & executioni mandata, quarta die Maij anno xxxv. in hunc modum. Primum quatuor religiosi, quorum unus erat Doctor predictus, & unus solus presbyter secularis (quoniam alter iunior accepit gratiam) tracti sunt ex magna turri Londoniensi, per ciuitatem usque ad locum iustitiæ, distantem à ciuitate per unum miliare francicum, ubique sine aliqua reuerentia ordinis, aut habitus sacerdotalis uel religionis, sine degradatione, & in proprijs uestimentis appensi sunt patibulo, per grossam quandam chordam, ne strangularentur. Indeque statim depositi sunt adhuc uiui. Deinde abscissis primum uerendis, & in ignem coniectis, extraxit eis spiculator corda eorum, quæ transfixit, & igne quoque cremauit. Inde abscissis capitibus, corpora sunt quadripartita, quæ postea posita sunt super portas & loca publica dictæ ciuitatis. Et licet ad terrorem sequentium, posterior semper uiderit trucidationem præcedentium, priusquam mortem ipse exciperet, testor tamen multo tempore non uisos, qui tanta ut hi constantia, perseuerantes usque in finem, mortem excepissent. Nam quomodo in animo non sunt à uia ueritatis mutati, ita nec in uultu pallor, nec in uerbis trepidatio

MARTYRVM ANGLIÆ. XI

tio, nec in aliquo gestu corporis timor apparuit mortis. Spiritu nanque ueritatis roborati, pro qua ad mortis ibant agonem, alacres perinde ac olim tuti & sani fuerant, remanserunt. Rogabant autē Principes & astantes omnes perseveranter bene uiuere, Regi fideliter seruire, eisdem in omnibus, præter ea quæ contra uoluntatem Dei & Ecclesiæ sunt, obedire.

Protestabantur quoque nunquam se fuisse Regi inobedientes, nisi in rebus quæ repugnabant sancto Euangelio & Ecclesiæ Catholicæ, atque ideo recipere se mortem non solum patienter, sed & perlibenter. Addebant præterea, agnoscentes magnam à Deo sese assequutos gratiam, quod pro ueritate eis dedisset mori, & pro assertionem huius Euangelicæ & Catholicæ doctrinæ, uidelicet Regem non esse supremum in spiritualibus primatem caputq; Ecclesiæ Anglicanæ.

Cæterum, qui hæc uidimus, aut legimus siue audimus, gratias agamus Deo, qui spiritu induit fortitudinis atque zelo charitatis multos sibi amicos, qui in Anglia pro ueritatis testimonio sanguinem suum fuderunt. Cuiusmodi sunt Episcopus Roffensis, Thomas Morus, Carihu-

D in sienses

HISTORIA

lienses multi, aliorumque ordinum constantes omnes, quorum capita membræque post mortem stipitibus affixa, prædicant nobis, quam fidem quàmque charitatē ad Christum & Ecclesiam, debemus habere usque in mortem, hocque à se factum suo nobis exemplo commonstrant. Cecidit enim illis in gloriā multo maiorem sic patibulis & stipitibus esse affixos, quàm cum auro gemisque sepultos. Ab omnibus enim transeuntibus eorum constantia discitur, prædicatur, atque in mundum traducitur: quo cæteri quoque discant, homines adhuc in mundo superesse, qui non timent eos, qui corpus possunt occidere, sed eum potius, qui potestatem habet & corpus & animam mittere in gehennam.

¶ Passio XVIII. Carthusianorum in regno Angliæ: Qui pro eo quòd schismati adhærere, & ab unitate Ecclesiæ Catholicæ segregare volebant semetipsos, crudeliter martyrizati sunt. Præfatio.



Reuerendo Patri D. Ioanni Priori maioris Carthusiæ, totius ordinis nostri Primati dignissimo, Frater Mauritius Channey Anglus, monachali

MARTYRVM ANGLIÆ. XII

chali nomine indignus, reuerentiam & obedientiam offert promptissimā. Postquam omnipotenti Deo placuit, somnum dare dilectis patribus & professis domus olim dedicatæ in honorem Annunciationis beatissimæ matris Dei, dulcissimæ uirginis Marię, ordinis nostri Carthusiensis, iuxta ciuitatem Londoniarū, in Prouincia Angliæ, ut requiescant à laboribus suis, Reuerende Pater, de eorum uigilia & somno paternitatem uestram certiore reddere opere precium existimaui. Nam ex quo altare illud sacrilegum erectum est in Bethel, ut ultra non ascenderemus Hierusalem, ne conuerteremur ad Dominum, nullus ex cognatione nostra de eorum obitu uobis quicquam significauit. Quippe qui nec ausi fuimus, & nobis insidiatores undique, ne quid tale faceremus, erant positi. Nunc uero, quoniam eripuit me Deus de laqueo uenantium, & constituit super excelsam terram, semotum à timore nocturno, necessarium duxi, de his omnibus quę acciderunt nobis, nonnihil R. P. V. significare. Verum prius imitator factus filiorum Israël, quibus Iordanem ingressis, in terram promissionis perrecturis uisum fuit, ut durissimos lapides de medio Iordanis alueo tollerent,

HISTORIA

tollerent, & illos in loco castrorum ponerent, ut essent in monumentum filiorum Israël in æternum, per quale iter eduxerit eos Dominus, archa interim testamenti persistente in medio fluminis, donec omnia complerentur, quæ præcepit Dominus Iosue fieri: Ita & ego, ut plenius innotescat, quales fuerunt quos elegit Dominus in hæreditatem sibi, per sequelam agni benedicti, quocunque ierit, siue in uitam, siue in mortem, antequam Iordanem nostrum transiero, unde educturus cophinum meum plenum morticinis seruorum Dei, non inconuenientia interseram, sed durissimos lapides torrentis nostri tollens, non docendi animo, sed potius refocillandi spiritum gratia, ponendo siue erigendo sedem sanctæ pansionis lassis & attrædiatis, ex longitudine itineris per hunc terribilem montem, locum horroris & vastæ solitudinis, ne etiam penitus inchoare uiderer narrationem, ubi illi suum foelicem consummauerunt cursum, & præsertim ex eo, quod sacra scriptura, eruditum filium doceat, gloriam esse patris, præsertim si filius nihil faciat, nisi quod uiderit patrem prius facientem, quæque ipse ab eo omnia didicerit. Pater enim notam faciet filius uirtutem & ueritatem suam.

MARTYRVM ANGLIÆ. XIII

am. Idcirco tum de patre, tum de filijs, & modo uiuendi in illo conuentu luculentius aliquid recenserebo, ut in patre simul & filijs, laudetur & glorificetur Deus.

Et non existimet aliquis, ut laus aut fauor humanus ex affectu cordis mei, in caput meum redundaret, quia professus extabam in illo conuentu, aut ut uideantur ab hominibus opera bona inibi gesta, me ista relaturum. Ego enim nullatenus sum ulla laude aut gloria, quin potius omni uituperio ac ignominia dignus. Iudas traditor annumeratus erat inter duodecim Apostolos, audiebat, uidebat ac faciebat quæ & cæteri, uerum reprobatus fuit. Non est estimanda inchoatio boni, sed perficere bonum honorificum est, ut cum consummauerit homo, tunc incipiat accipere coronam salutiferæ uitæ, quam repromisit Deus perseuerantibus in bono usque in finem. Sathan inter filios Dei affuit, ne utiquam laudandus: Ego uero prodij ex istis, res in aperto est, sed non eram ex illis. Nam si fuisset ex illis, permansisset utique cum illis bibiturus calicem, quem & illi biberunt. Ego Saul inter Prophetas, ego filius Effrem, intendens & mittens arcum conuersus in die belli, abij retrorsum in non custo-

E

diendo

HISTORIA

diendo quæ apud me reposita erant. Tanta sanctitas uigebat inter eos, quæ ego non sum dignus uocari aut haberi, & multo minus laudari, quasi unus ex illis. Si mihi est cõsortio sanctorum eiecto, noua aliqua de eisdem filiis quidem hominem iam referenti, prouenire deberet laus, multo præclarior illi Cherub tam pulchre condito, propter pollutionem suæ sanctificationis in multitudine iniquitatum suarum eiecto de medio lapidum ignitorum, mira tamen postea de ipso filio Dei enarranti, quando dixit Domino Iesu: Scimus quis sis, Tu es Filius Dei: laus tribuenda foret. Quod nepharium est opinari, inanis ac friuola est exultatio (si fidem adhibeã Diuo Chrysostomo, uel tantillæ experientiæ meæ) cui res murmurat testimonium conscientię. Absit ergo, ut uocet me quis Noëmi, sed potius amarum, quia afflixit et amaritudine repleuit me omnipotens. Egressus sum plenus, & uacuum reduxit me Dominus. Sufficiet mihi modo, si ex hoc quod ægero, gloria in excelsis ab angelis altissimo resonet, & in terra istis sanctis ueneratio ab hominibus bonæ uoluntatis impendatur, ac per misericordiam Dei reexurgat demolita uinea nostræ sanctæ religionis, & expandat palmites suos à mari

MARTYRVM ANGLIÆ. XIII

mar i usq; ad mare, & à flumine usq; ad terminos orbis terrarum, & ut hæc fiant forsan depono. Illa tamen non dico, quasi hanc inanis gloriæ mortificationem accepissem, & iam perfectus essem, sed ut linguis alienæ laudis subtractis, ab igne malæ concupiscentiæ, qui clausus est in ossibus meis, facilius expediar, si quo modo prouocem carnem meam ad emulandum uirtutes illorum, de quibus loqui præsumo, ac tandem per gratiam Dei eorumq; merita, meæ oliuæ reinterar. Quod mihi largiri digneris & cito perficias, Iesu dulcissime te deprecor, Amen.

¶ *De uita sanctæ Prioris Londoniensis
in conuersatione sua priuata,
Caput primum.*



VT autem in hac enarratione conuenientius progredi ualeam, ab ipso uenerabili patre præfatæ domus nostræ Priore, descriptionis exordium sumam. Iste reuerendus Pater, nomine Ioannes Houhton, de quo primo nobis sermo, ab honestis parentibus in comitatu Essexiæ,

E n in

HISTORIA

in prædicta Angliæ patria ortus erat. Qui à parentibus literarū studio traditus, in eisdem adeo profecit, ut gradum Baccalaureatus in utroque iure digne adeptus sit in Academia Cantabrigiensi, quo adepto, cum parentes iam pubertatis annos ingressum, connubio iungere disposuerunt: Quod perspicuens latenter parentes declinavit, quia dispositus ab eis status cōiugalis minus sibi placuit. Diuinis enim sese dedere statuerat obsequiis. Clam igitur fugiens, latitabat cum quodam deuoto Presbytero, quoadusq; sacros ordines gradus sacerdotalis ascēdere potuisset, quibus assumptis, ad parentes rediit, & tandem de omnibus quæ egerat uel inuite pacatos reddidit. Sicq; in hoc statu sacerdotali per quatuor annos laudabiliter degens, postea ad superiora uolare aspirabat, quasi ceruus matutinus.

Et anno ætatis suæ uicesimo octauo, aridum hunc mundum floridus iuuenis calcare coepit: Quod ut citius cum maxima securitate, & accumulatissima utilitate perficere posset, quadam sancta auiditate inflammatus, religiosissimum & suauissimū iugum, ac lenissimæ sarcinæ Carthusianæ obseruantiam, toto cordis affectu humeris suis mansuetis subire satagebat, flagitans
in

MARTYRVM ANGLIÆ. XV

in dicta domo salutationis beatissimæ Mariæ, per humiles instantesq; preces, hoc sancto habitu nostri ordinis se indui. Quo cum post diutissimam dilationem indutus fuisset, ueterem hominem totaliter exuens, uere induit nouum hominem, qui secundum Deum creatus est, etiam Dominum Iesum Christum. Degebat enim uitam ibi per uiginti annos propense eminentem, in multa austeritate, humilitate & patientia, ac perfecta sumptus mortificatione, cellæ & silentij diligentissimus obseruator, semper occultans, & quasi in arctura stringens gratiam sibi concessam, ne notaretur, cupiens semper nesciri, & nulla æstimatione dignus haberi.

*¶ Ut in Sacristarium domus Londoniensis fuerit electus,
Cap. II.*



Erum non potest fieri, ut ciuitas in monte posita abscondatur, uel alicuius domus fenestræ adeo stricte claudantur, quin lux inclusa prospicientibus alicubi pateat. Iuxta uers.

Quoq; magis tegitur, tectus magis æstuat ignis.

E in Sicut

HISTORIA

Sicut & catinus iniectis exilit aquis, & flamma in sublimē extollit comas. Quibus omnibus haud impar est innata proprietās & cōditio gratiæ & uirtutis. Quanto enim magis celatur et deprimitur ne propaletur, tanto magis ac citius euolat, ebullit ac crescit: quantoque libentius dilatatur & expanditur, ut uideatur, tanto celerius obcineratur, euanescit ac deficit: Gloria sequitur fugientē se. Quod quidē permaxime uerificat in hoc sancto patre. Elegit esse abiectus in domo gloriosæ uirginis Matris Dei, & ab hominibus uirtuosus ac sanctus habebatur: appetebat sperni, & honor eum persequabatur & apprehendit, si honor dici possit. Sed huic, quemadmodum & omnibus sanctis, talia secū plus ferunt oneris quā honoris, quamuis pullus indomabilis, asinalis sensualitatis, in huiusmodi letetur ac hilarescat, quasi in honoribus ueris: Verū iste deuotus pater in abdita sanctitate diu se gerēs, primo Sacristarū domus per obedientiā assumpsit officiū. Quod omnium onerū siue obedientiarū sibi quā maxime placuit, quia deliciæ eius in Ecclesia semper esse, & circa Ecclesiastica ministeria die noctuque uersari, ac seruū fratrum suorū fieri. Quæ omnia cum ingenti alacritate, industria & reuerentia perficiebat,

MARTYRVM ANGLIÆ. XVI.

bat, in omnibus occasiones proficlendi ac merendi per suam humiliationē, deiectionē & laborem captans. Sub cuius tempore in hoc officio istud omni memoria dignū cōtigit. Quidam deuotus frater pestilentiali morbo attractus, ad extrema deductus est: qui cum corpus Dominicū sumpisset, præ nimia ualetudine illud retinere nequiuit, sed mox euomuit. Quod pater Vicarius (eo q̄ pater Prior aberat) simul cum omni eiecta immundicia collegit & assumpsit, atq̄ ad cellam huius sancti Patris Ioannis Houhton, tunc Sacristæ, detulit comburendum. Accensa igitur pyra cōtendebant hī duo patres, quis eorū illud in ignem mittere deberet. Neutro hoc aut facere præsumēte, reseruatū est per duos dies. Die uero tertia deuotus Sacrista illud reuerendissimum corporis Christi Sacramentū ab immūdicia, cui cōmixtū erat (ut quiuit) reuerenter recollegit, ac in calice reposuit, intendens in proxima celebratione sua illud sumere. Sed prius accersito quodam deuoto fratre conuerso, cui Deus crebro multa certitudinaliter reuelauerat (Quæcunque enim poposcerat à Deo, statim dedit illi benignissimus Deus responsum, adeo Deo familiaris, gratus & charus erat. Notum hoc erat

HISTORIA

erat in multis argumentis per totam domum) Huic igitur intimauit pater Sacrista, propositum suum petens ab eo, ut in tam ardua re exoraret Deum, pro agnitione sui beneplaciti, formidabat enim comburere illud, & sumere quodammodo abhorrebat. Iussa completurus ille frater conuersus, diuinam enixius deprecatus est clementiam, quatenus eidem super hac re aliquod indicium demonstrare dignaretur. Et ecce tempore matutinarum in spiritu positus uidit turbam magnam, quam dinumerare nemo poterat, in albis uestitam, quorum singuli cereum ardentem manu gestabant, composito gradu sacrarium introire, & ad illum locum, ubi repositum fuerat corpus Iesu, procedere, ibique summa cum reuerentia adorantes cistam, qua reclusum erat, aperire, factaque ibidem aliquantula mora disparuerunt. Sed quid interim ibidem ægerint, ipsi fratri, qui hæc uidit, mansit incognitum. Ad se autem reuersus frater, in aurora requisit Sacristam, an ne in tali loco prædictas sacratissimi corporis Christi reposuisset reliquias. Illo ita respondente, mox uisum eidem aperuit. Quo audito, deuotissimus pater Sacrista, postposito timore & mortis & nausæ, mox se cum omni alacritate

MARTYRVM ANGLIÆ, XVII

alacritate ad celebrandam Missam præparauit. Sub qua & illud repositum reuerenter & affectuose recepit. Sed quàm præclarus iste sibi calix esset, nemo scit, nisi qui accepit. Vere inebrians erat, in tantum, ut astantes hoc euidenter percipere potuerunt. Ille non timuit mortem, quia authorem uitæ susciperet; nec infirmitatem, quia sanantem omnes languores deglutiret; nec nauseam habuit ex uomitu, quia gustauit quàm suavis est Dominus in spiritu.

¶ Ut idem in Procuratorem & postmodum in Priorem & Visitatorem electus fuerit, Cap. III.

EXpleto igitur laudabiliter cum omnium fratrum gratia, in hoc officio Sacristarum quinquennio, idem ipse uenerabilis pater Sacrista, ad officium Procuratoris assumitur. O quantus eum tunc moeror inuasit! Quantæ lachrymæ profusæ, quot gemitus pectoris emisit, qualesque corporis defectus eum prostrauerunt, qui sic omnino inuitus, gratissimæ atque sibi dilectissimæ solitudinis desideratissimiq; silentij dulcedinem deserere cogebatur. Lya cum lippis suis oculis, & lurida facie ei non placebat.

HISTORIA

placebat. Prætulit amoris subsequenti priorē, quia melius sibi uidebatur tunc, quā nunc. Solitudo arridebat, ubi dulces susurrationses dilecti in occulto trahere & audire poterat, amplexusque Rachelis illi erant concupiti, à quibus per sollicitudinem circa plurima se auelli trepidabat: Nihilominus Deo iuuante dextera illius semper amplexata est eum, ac inter eius brachia mirum in modum uigilanter dormiuit ac quiesuit. Quocunque enim se uertebat, ubicunque fuit, in tumultu siue in solitudine, in plateis siue in cella, conuertebat se ad cor, hauriens pacem: pacem, quia in pace sperauit, & ab ea nullis negotijs alienatus, sed totus in Deum intentus siue raptus fuit in omni loco. Certissimum est enim, quod relinquens seipsum propter Deum, centuplum accipiet etiam in præsentia. Itaque se gerens per triennium in hoc officio mature, strenue ac pie amabilemque Deo & hominibus, uacante Prioratu domus bellæ uallis, illud onus subire coactus est & portare. Quo eo migrante, & uix per dimidium annum ibi ministrante, ab ea ad ubera matris, quæ eum educauerat, & ad suæ professionis domum reuocatus est. Emigrauerat enim ex hac uita, uenerabilis pater Prior

MARTYR ANGLIÆ. XVIII

or eiusdem domus Londoniarum, nomine Ioannes Bartmanfonus. Ad cuius supplendas uices, iste Reuerendus pater uno omniū consensu (quod perraro antea ibidem uisum fuerat) assumptus est, ac demum anno secundo Prioratus sui, a Reuerendo patre Carthusiæ electus est & assignatus in principalem prouinciæ Angliæ Visitatorem. Sic qui latere & nesciri cupiebat, per diuinam prouidentiam, ad multorū profectū, notitiam ac lucem est editus. In quarum omnibus oneribus administrationū, ipsius gesta non facili possunt explicari sermone, multo uero difficiliore ea quæ intrinsecus latent, cum nemo sciat quid agatur in homine, nisi spiritus hominis: Inexhaustibilis itaq; est hic fons et torrēs, inundans glorię huius nostri patris. Sed more annorum meorū, qui puer sum etate, gratia et moribus nesciens loqui, in amœno iam prato cōstitutus, hinc inde per diuersa discurrens loca, flores pulchriores colligam, ex quibus sertum mihi cōponam, et utinam ad internum animæ meæ ornatum, per redolentem imitationem sanctōrum Patrum meorum id fecerim.

¶ *De sancto & discreto regimine Prioris
in officijs & uirtutibus eiusdem,*

F n

Caput

HISTORIA

Caput quartum.

Iste uenerabilis pater profundæ fuit humilitatis (quæ omnis principij debet esse finis) socialem diligens uitam cum fratribus. Nam in sua prælatione, honores illi non mutabant mores, quia unus atque idem semper mansit: Cornua nunquam sibi erexit. Si quis fortuito dominum eum uocasset, aut aliâ quâ nominis magnificentia ei imposuisset, egre tulit, ita, ut id statim reprimeret, dicens. Non licet pauperi monacho Carthusiano dilatare fimbrias, aut uocari ab hominibus Rabbi. Quotiescunq; autem fratres se eidem inclinabant, in magnam suipsius hoc accepit humiliationem: attamen iubebat eis, ut tales inclinationes nullatenus omitterent. Propter uos (inquit) ita fiat & filios uestros, ne inculta sit terra nostra: Statuta nostra ita hortantur, & sacrum eloquium non solum permittit, uerumetiam fieri iubet. Rogabat eos, ut in huiusmodi caeremonijs sibi inuicem aut alteri exhibitis, non essent ad oculum seruientes, quasi hominibus placentes, sed in simplicitate cordis Deum quærerent, præ oculis Deum semper habentes, omnia in eius nomine faciens

MARTYRVM ANGLIÆ. XIX

cientes. Dicebatq̃, se in quotidianis suis orationibus Deum postulare, quatenus ipsas prærogatiuas & reuerentias ratione sui officij sibi exhibitas, in laudem & gloriam sui sanctissimi nominis assumere & ascribere dignaretur, suppleretque per exhibitionem aliorum defectum amoris & cultus, quos ipsemet ei debebat. Sicq̃ semper seruare humilitatem contendebat. Cum solus esset in aliena cella cum aliquo fratrum, non ut Prior, sed ut humilis frater se habebat, dicebatq̃, se reliquisse Prioratum in cella sua: Cum uero in officij sui cella aut alicubi in conuentu esset, se gerebat ut eius congruebat officio, cum maxima tamen modestia & humilitate. Totus quoque conuentus in tanta reuerentia eum habuit, q̃ in exhibendo ei honorem aut præminentiam, se non posse excedere putabant.

De patientia eius quid referam? Ipsa uerba iniuriosa, exprobratoria & oblocutoria, quæ pertulit ab Apostatis, sufficerent pro testimonio si recitarentur: Sed transeant, tam patiens fuit, quòd uni eorum quodam tempore in eum insurgenti non resisteret, sed prouolutus ad pedes eius, dedit maxillam uerus solitarius percutienti, saturabatur obprobrijs, colaphis & alapis, quo-

HISTORIA

adusq; alij eruerunt eū de manu tribulātis. Nec, illo instante, unq̄ reddidit uerba comminatoria aut iurgatiua, nec unq̄ uidit cum homo aliqua passione iracundię cōmotum. Et quando fratres reclusissent in carcere illum, qui talia patri suo irrogare pręsumpsit, ipse uerus imitator Iēu Christi respondit: Parcite quęso fratres, parcite: Cur emulamini pro me? Quid simile unq̄ fecit mihi? Quid mali malo fecit? mihi non nocuit, Quare irascimini? Iste bonus frater non fuit in culpa, sed inimicus animarū nostrarum, qui pacē nostram turbare molitur. Et si ego motus fuero, exultabit ille, qui cōpulit hunc tribulare me. Verum, non gaudebit inimicus meus super me: Dimittite ergo hunc fratrem nostrum. Sed propter exemplū aliorum, recludatur in cella sua per aliquot dies, malens lenitate uincere, q̄ rigore iustitię corrigere. Causa propria erat, in qua patientiam seruare & exhibere, magnę uirtutis indicium est. Idcirco ipse hāc ostendebat: In causa uero Dei & religiōis, si post unam & secundā correptionē delinquentes noluisse se emēdare, Moysen et Phineas imitatus, zelo ipse et spiritu Domini Iesu agitat^{us}, faciens eis flagellū de funiculis, seuerus erat.

Miro insuper agone luctabatur cum seipso, in
omni-

MARTYRVM ANGLIÆ. XX

omnibus ut seipsum uinceret, abnegaret, et mortificaret, circa quod summū eius studium fuit, siue in claustro, siue extra existeret, et ut alij ad hoc instarent, cōsummata admonitio eius fuit. Quę autē bella et quas molestias ipse in se pertulit, ut ad illud attingeret, Deus scit. Et quāuis cūcta quę circa se gerebant, occultare summopere satagebat, tamē adeo intestina et clandestina nō est talis beligeratio et palęstra, quin et hoībus secum cōmorantibus aliquatenus innotuerit. Quicunq; em̄ uidissent eū, uere intelligebant magnā internam colluctationem, non solum aduersus carnem & sanguinē, sed et aduersus ipsum principem tenebrarū infernalium se habuisse. In quibus tamen ne nationē filiorum reprobarer in narrando, salutare Dei semper cū silentio preſtolabatur. Nec unq̄ ulli conquerebat de pondere et gestu tentationū, tantūmodo fratri, illam cellā inhabitanti, cuius ipse primo incola fuit, aliquando dicebat, O frater, si talis et talis locus loqui possent, aliqua tibi indicarēt. Quid plura? Ad tantā demum, per cooperantē in se diuinam gratiam, deuenit perfectionē, ut omniū uirtutum aplices et ornamenta conquireret, atq; in eo, uelut in lucidissimo speculo et libro scripto intus & foris resplenderent.

Quand

HISTORIA

Quantę fuerit deuotionis, quotidianę eius attestabantur lachrymę. Singularem nanq; gratiā habuit lachrymarum, uix ulla dies præterijt, quo maxillę eius lachrymis non essent irrigatę, præcipue sub sacrificio sanctissimę Missę. Quandoq; etiā in refectorio, tanta amoris diuini ac deuotionis inebriabatur dulcissima pinguedine, q̃ ultra se cohibere à fletu non poterat toto corā conuentu, sed erumpentibus lachrymis surrexit à mensa, festinauitque in cellulam suam, suę compunctionis & deuotionis consciam. Et introiens cubiculum ubertim fleuit, eo liberius, quo secretius per totum prandij tempus.

Charitas in eo supereminebat, quo ad Deum & proximum. Si quando aliquod germen amaritudinis in claustro pullulare timuisset, cito euellere conabatur, antequam nimium inualesceret. Non dicebat, uideant illi, compescant seipsos, sed confestim accedebat ad eos, & causa diligenter requisita suis monitis, modo uino, modo oleo mixtis, fremitum infernalis bestię & insurgentes motus sedabat. Et si quis contra eum concitatus extitisset, ob pacem habendam per humilem suę deiectionem, prior ueniam petere non erubuit. Et quolibet ferme men
se

MARTYRVM ANGLIÆ. XXI.

se palam in capitulo prouolutus genibus, stillantibus lachrymis, conuentum rogabat, ut omnes suos defectus, negligentias, mala exempla, & si qua huiusmodi, sibi ignoscerent, accusans quidem seipsum in multis, cum certe ne in uno quidem ullum offendebat: Sed quia iustus in primis accusator est sui, ueretur quoque omnia opera sua, sciens, quod Deus non parcat delinquenti. Multoties etiam dicebat, Sustineatis obsecro pijsissimi fratres modicum quid insipientiæ meæ, & supportate me: Confido in Domino, me non facere peccatum, humilians me ipsum, ut uos exaltemini. Insipiens factus sum propter uos, uos me coëgistis, ut prudentes uos sitis, ego facio: Capite me, uel ut insipientem accipite me. O summa humilitas & perfecta charitas, nesciens inflari, nec quæ sua sunt quærere, ut alios lucrifaciat. Quid perfectius hac charitate, & quid sublimius hac humiliatione? Vere didicit illud diuinum: Quanto maior es, humilia te in omnibus. Et adimpleuit illud Apostoli: Si quis uidetur inter uos sapiens esse in hoc sæculo, stultus fiat, ut sit sapiens. Quid stultius hominibus, quàm deijci & humiliari? Et quid apud homines sapientius & altius, quàm superbire & eleuari?

Prouer. 18.

Eccle. 3.
1. Cor. 3.

G

Sed

HISTORIA

Proue. 16. Sed sapientia huius mundi, stultitia est apud Deū, et quod aliū est hominibus, abominatio est ante Deum. Idcirco in insipientia humiliationis gloriari didicit & iste sanctus pater, factus in omnibus exemplar bonorū operū. Habere & seruare pacē et charitatē in clauistro summē studuit, & quia intellexit, nō ex bono esse austeritatē, noluit cum austeritate imperare suis, & cū potentia, sed in maxima modestia. Cū iuuenibus, sub quatuor aut quinque annorū discursu p̄fessis, agebat ipse quasi alter Ioseph cum fratribus suis, alienū se eis demonstrando, duriusq; loquendo & increpando, ne lenitate abutēdo insolescerēt. Nouitiorū quoq; instructores monebat, ut uigilarēt ubiq; ne nouellę plantationes in iuuentute sua in nimia audaciā excrescerēt: Multa enim mala experientia docet inde puenisse. Senes uero, ut rigor ille lentesceret, quem dedit, nō natiuitas, sed mala consuetudo, propria uoluntas, & sui p̄forū immortificatio super delictū uanę æstimationis ex diuturnitate in religione, enixe, blande & leniter tractabat, ut absq; fractione inclinarēt ceruicem suā, & paratos se ad omnia facerēt. Siquādo quiuis fratrum, siue senex, siue iuuenis, aliquid superfluum aut curiosum expostulasset, cum moderamine

MARTYRVM ANGLIÆ. XXII.

deramine & mititate cum frenabat, reuocans ad mentem uocationē suam, dicendo : Si in sæculo esses bone frater, sensualitatis tuæ appetitum in omnibus sequi non deberes, Quanto minus & hic in claustro? Facias tibi aliquam uim aduersus tales suggestiones nociuas, ut cum uiolentis regnum cœlorum acquiras. Nulli uero cum animo sitate aliquid negabat, nec etiam faciliter concedebat eis, quæ requirebant, sed cum tali lenitate spiritus & molli responsione se habebat, ut aliorum durities emolliretur, & multo hilariiores discederent pro repulsione & abnegatione proprię uoluntatis, quæ fuissent, si eis petitionē eorum cōcessisset. Spiritus uitæ erat in rotis sermonum eius, si quēlibet fratrum in pronūciatione & prolatione uerborum, secundū modernorum uanam fumositatē et adinuentionē, curiosum lectorē uel singularē pronunciatorē audisset, serio eum ac durius increpabat, dicens talem curiositatē Carthusianę simplicitati nō cōuenire. Prodit enim ex superbia ut docti uideamur, licet hinc maiorē eruditionē non acquiramus, neque pietatē. Idcirco simplicitas (inquit) columbina cū charitate sit (quæso te frater) nostra summa sciencia et doctrina, uestigiaque patrū nostrorum in synceritate corā Deo & Christo eius insequamur.

G ij Circa

HISTORIA

Circa diuina officia & seruitia ualde uigilans erat, & ut uniformitas in cæremonijs & omnibus seruaretur, semper monuit, & ut protraherent cantum suum in Ecclesia, fratribus creberri-
me acclamauit, dicens: Huc uenimus Deo seruire, operi igitur & seruitio eius insistamus. *Esa. 62.* per muros enim Hierusalem constituti sumus à Deo iudice uiuorum & mortuorum custodes, à laude laudabilis nominis sui tota die & nocte imperpetuum non tacituri: Idem est nobis officium cum sanctis Angelis, qui præueniunt nos, ac omnibus psallentibus coniunguntur, & desistentibus nobis continuant illi laudes suas. Faciamus ergo & nos, cum tales socios habeamus, quantum fragilitas nostra permittit, quod & quantum illi, melius non possemus occupari, quam cum Deo, nullum exercitium illi gratius, & nobis utilius. Quid agere possumus existentibus nobis in cellis nostris? fortasse omne tempus ab omnibus deuote non expenditur. Quare propter non pigeat nos hic commorari. Si nos, qui uiuimus de patrimonio Christi & eleemosynis, ac ualde stricte pro omnibus orare sumus obligati, festinaremus in Dei seruitio, aut occasiones discedendi ab Ecclesia simularemus, existimantes

MARTYRVM ANGLIÆ. XXIII

stimantes modicum & breue tempus, quo hic sumus, nimis longum: certe nescio quomodo excusaremus nos ab iniusta receptione, retentione, & mala expensione eleemosynarum, benefactorum & fundatorum nostrorum. Quot uestrum aggrauat fabulatio cum sæcularibus, aut de uanis & inutilibus rebus, etiam si totum diem in his expenderetis? Vel, quamdiu in talibus perseueraretis absq; aliquo tædio, lassitudine seu grauanime? Num de cibo & potu & somno reticebo? Quando in his dicetis, sufficit, aut tempus nimis longum est, festinemus siue perficiamus? Diuus Bernhardus omne tempus existimauit perditum, uel saltem nimis longum, quantumcunq; breue, quo caro sua talibus refocillaretur necessarijs. Alius quoq; spiritu Dei plenus orauit, ut de necessitatibus & indigentijs istis corporalibus erueret eum Dominus, ne adeo frequenter impediretur per ea à contemplatione diuina. At modernis temporibus Iordanis reuersus est retrorsum, cum multi religiosi magno afficiantur tædio, quando circa uana & externa solatia non uersantur, & opus Dei non respiciunt, nec opera manuum eius considerant. Hæc non est monastica uita fratres, nec adminiculum spiritualis

G iij profectus

HISTORIA

profectus & ædificationis, ut adipe & pinguedi-
ne diuina repleatur anima nostra, quinimmo
crassitudinis uentris, quem Deus destruet, &
extremæ desolationis signum est, testante Pro-
pheta, qui dicit: Quoniã non intellexerunt ope-
ra Domini, nec opera manuum eius considerant:
destrues illos, & non ædificabis. Populus enim
qui ignorat Deum, sedit comedere, bibere &
dormire, non sicut populus. Sic & sacerdos, præ-
cipue Carthusianus, cuius est, excellentissimæ &
perfectissimæ uitæ iter aggredi, ne adæquetur ei
in pœna, cui assimilatur in culpa. Per hæc &
multa alia similia, incitabat eos prolixè trahere
cantum in Ecclesia. Etiam aliquando tempore diuini
officii, ueniebat à sede sua ad cantores, monens
eos, ut lentius cantarent: Si audisset eos tepida
uel ima uoce psallere, dicebat se timere, ne amor
Dei in cordibus eorum tepesceret: Et sicut tepide
cantarent, ita & tepide Deum diligerent, mox
de ore Dei (propter tepiditatem suam) euomen-
di. Rogabatq; eos, ut non distinguerent dies &
tempora, modo bassè siue submissè, modo alte
cantando. Sicut (inquit) non est tempus præfi-
nitum à Patre nostro cœlesti, quo ab eius amore
desistamus, quin omni tempore & momento
induiduo,

MARTYRVM ANGLIÆ. XXIIII

indiuuio, ac omnibus uiribus eum amare iubemur; sic non uelimus per nos à laude eius cessare unquam, sed omnis spiritus noster semper laudet Deum: Absistat & uecordia, petamus & emamus à Deo aurum ignitum, ut sicut Angeli in cœlis nunq̃ à laude desistunt, ita nobis nunq̃ tædium subrepat in suo sancto seruitio. Semel etiam ab Ecclesia exiuit in confusionē corū (sicut in proximo retulit capitulo) quando audiuit eos ima uoce cantare. Si quando euenisset eos discordare siue errare in cantu, hoc ægre semper tulit.

Quodam uero tempore una pars chori errauit in cantu illius uersiculi: *Dextera domini fecit* Psal. 117. *uirtutem.* Vnde in aurora cōuenientibus nobis ad capitulum, dixit. O fratres charissimi, quid fecimus hac nocte? Errauimus in Psalmodia Dei nostri: clamemus culpas nostras, ualde malum est, quod nos, qui officiū Angelorū exequimur, talia errata in conspectu Dei & Angelorū cōmittimus. Illi nunquam errant, & nos per nostras negligētias & incurias errauimus: Quod optime facere debemus, negligenter fecimus. Si serui inuiles sumus, cū omnia fecerimus, quales sumus ex Luca 17. hoc defectu nostro? Non fiat hoc amplius inter nos. Si offerat quis regi terreno claudū, languidum,

HISTORIA

dum, siue maculosum, nonne respuet? nonne displicebit illi talis oblatio? Reprobatus erat
Gene. 4. Cayn, non quia non obtulit hostiam Deo, in odorem suauitatis: sed quia obtulit de peioribus. Electus erat aut frater eius, de optimis offerens. Quid diceret carnales domini seruis suis, incaute se habentibus circa ministerium suum? Illi cum maxima diligentia, & peruigili aduertentia omnia fieri circa se uolunt: nos autem negligentes
1. Tim. 6. fuimus in seruitio Dei nostri; regis regum, & domini dominantium. Timeo, quod tales exurgent in iudicio contra nos, & illa eorum exquisita opera nos pro nostris incurijs & negligentijs condemnabunt, astipulante eis illa comminatoria uoce, & terrificata diuina sententia: Maledictus qui facit opus Dei negligenter. Quod auertat a nobis misericors Deus. Et continuo praecepit eis sub obedientia, ut quemadmodum semper habuerunt lumen per totum cantum Psalmorum, in omnibus nocturnis & Ferialibus laudibus, ex consuetudine ita & in Dominicalibus, ac etiam quando aliquid quis solus cantaret, quicquid id esset lumen haberet.

Et quia specialis ei cura erat de omnibus, & ratio ab eo exigenda pro singulorum animabus
(Iustus

MARTYRVM ANGLIÆ. XXV

(Iustus quippe admonendus est, ut in bonitate & iustitia sua permaneat: impius uero, ut à uia sua praua reuertatur, & tepidus adijcere ut resurgat) ideo semel ad minus quolibet mense ipsemet conuentui suo uolebat concionari, tantaq; dulcedinē uerbi referti erāt eius sermones, quod ubi erat ignis absconditus, inueniebatur crassa aqua, quæ discurrebat cum impetu per oculos multorum: Qua cum sacrificia eorū essent aspersa, iterum accensus est ignis magnus, maior scilicet deuotio, & nouus feruor. Non frustra loquebatur, nam unusquisq; uires suas applicuit, ad implendum ea, quæ docuit. Ipse quoq; quos feruentiores & uelociores ad currēdam uiam mandatorum cernebat, hos aliquando pro eorū defectibus durius in conuentu palam arguebat, ob humilitatis pręseruationem, suam uigilantiorem custodiam & cautelam, ne talia reuerarent, atq; ut pigrorum & infirmorum repelleret tarditatem, incalescente feruore iuuenum, qui ibi scatebat. Circiter enim uiginti erant in illo conuentu, qui annos triginta octo non attigerant, uerum in breui compleuerunt tempora multa. Hos non solum uerbis & exemplis ad prælium mortificationis incitabat, uerum etiam multifariē multisq;

H modis

HISTORIA

modis exercebat ad illud, modo auferendo ab eis quæ maxime diligebant, modo negando eis, quæ affectuosissime petebant, inclinans ex hoc in illud, ut cum hostibus pugnare, & tempestiue abnegare seipsos discerēt. Atq; summa cum prudentia uniuscuiusq; complexionem & dispositionem pensabat. Quando uero aliquem taliter probasset, iterum diluculo uisitabat illum, ne nimia absorberetur tristitia, idq; interdum per se ipsum, sed sæpius per alios, ne nimia familiaritas pareret contemptum. Et tunc mittebat eis aliqua xeniola, cōsiderans, quod per talia facilius dormitionem acciperent iuueniles musitationes, ac etiam ut animaret eos ad proficiendum in cœpto itinere: Illi uero malitia paruuli erant, & cito placabantur, pensantes, quod propter eorum propriam salutē & profectum, omnia fiebant. Non erat ibi murmuratio, nec querimonia, quare hoc aut illud fecerit, aut ita me tractauerit pater Prior, sed seipsis abnegatis, de necessitate faciebant uirtutem, seq; habere causam & occasionem merendi & proficiendi gaudebant, etiam ipsimet rogabant eum aliquando, ut per talium ablationem, siue aliunde, probaret illos.

Præterea, ut uultum sui pecoris agnosceret,
diligenter

MARTYRVM ANGLIÆ. XXVI

diligenter inquirebat à singulis (& hoc creberri-
me) de expensione temporis, quibus scilicet ex-
ercitijs spiritualibus dediti, & quomodo interne
dispositi essent, utrum concupiscerent concupi-
scentias in deserto, an quasi sponsæ anhelarent
ad diuini amoris amplexus, aut tanquam serui
priores annos recogitarent in amaritudine ani-
mæ suæ, & de profectu ipsorū in istis. Siquando
rubigo ascendisset super aurum optimum, & de-
coris color mutatus fuisset, si forte dormissent
inter medios Cleros pennæ columbæ de argen-
tata, & posteriora eius fuissent in pallore auri, si
charitatem primam reliquisset aliquis, per tem-
pus modicum claudebat super se os suum, sciens,
quod propter probationē aliquando paululum
declinaret atq; transiret dilectus, abscondens fa-
ciem suam, ut auidius quæreretur. Sed si tardasset
uenire, & ipse frater malo exemplo, nimia eua-
gatione uel aliqua dissolutione percutere conser-
uos suos cœpisset, per quæ plagam lepræ creuisse
perspicue cerneret, discurrere festinabat: non
dabat somnū oculis suis, nec palpebris suis dor-
mitionem, non desiste-
bat à monitionibus san-
ctis, increpationibus duris, & obsecrationibus
pñs, donec ille frater amicum suum suscitasset, ac

H ij terum

HISTORIA

iterum super niuem dealbatus fuisset, per discretionem coelestis regis, & reintegrasset tabernaculum, quod ceciderat, ac inuenisset locum Deo Iacob. Ipse deuotissimus pater erat quasi flamma urens, aut ferrum candens in Dei amore, & eodem modo uolebat omnes iuxta se positos uehementer esse accensos.

Fuit denique magne prudentiae, ut eius gesta in domo propria ac etiam in aliarum uisitacionibus palam annunciarunt: Tam discretus fuit in uerbis, tamque sanctus in operibus, quod in omni loco acceptus erat, ac si fuisset Angelus Dei, mirarenturque omnes de prudentia & responsis eius. Ipso quoque loquente, omnes ori suo digitum apponebant, ac dicebant: Vere seruus Dei omnipotentis est iste. Inimici quoque nostri sunt iudices. Ipse enim Vicarius regis, quem constituit rex super familiam & totum regnum suum, ut esset secundus à rege, dominus Thomas Cromwel, alter Aman horum omnium malorum signifer, publice in Capitulo nostro multis coram astantibus, post necem ipsius patris nostri, dixit, eum uirum fuisse iustum & sanctum. Si ille reticuisset, lapides clamassent, ac eius sanctitatem denunciassent.

Omnibus

MARTYRVM ANGLIÆ. XXVII.

Omnibus pius erat, sibi ipsi uero ualde rigidus & durus. Dies abstinentiarum, antequam assignatus esset in procuratorem domus, seruauit semper in pane & aqua. Postea uero etiã in ipsis uisitacionum suarum progressionibus, & quocumq; perrexerat, propter quotidianos suos discursus & fatigationes, omnia ieiunia ordinis seruabat, sicut & cæteri conuentus cum uno pisce contentus. Diebus abstinentiarum communibus, sicuti moris erat illius prouinciæ, & in summis uigilijs: & diebus abstinentiarum, in Quadragesima, cum pane solummodo & potu contentabatur. Cumque aliqui ex fratribus insistèrent, ut sui miseretur per exquisitiore sustenaculi sumptionem, propter frequentes suas infirmitates, ac grauissimos labores & dolores, quos indies sustinuit: dicebat constitutum se esse in loco speculatoris, portentum & spectaculum factum omnibus. Cuius conuersatio si uideretur delicata, siue nimis laxa, pareret alijs scandalum, & audaciam male se habendi.

Postremo tentatis, & his qui in tribulationibus erant, summe consolatorius fuit. In eo enim, quo passus est ipse, & tentatus, poten-

H iñ tior

HISTORIA

tior & aptior factus erat, & alios qui tentabantur, consolari. Multas uero & grauissimas tentationes ipse pertulit, sed in omnibus superauit, per & propter eum, quem dilexit.

In orationibus fuit tam frequens, deuotus, purus, & suspensus, amoreꝗ diuino impinguatus cum crassitudine spiritali, quod ut pater Vicarius sanctus martyr, Vuilhelmus ex Meuwe Confessor eius, mihi crebro referebat, raro aut nunquam omnium negociorum, quibus implicatus fuerat, uel aliquarum uanitatum post electionem suam in Prioratum, aliqui pulueres menti eius adhæserunt tempore suæ orationis. Ad lectum post matutinas nisi grauiter infirmatus, nunquam redibat, sed super quodam scamnum recumbebat, pro culcitrali accipiens truncum, desuper posito paruo puluinari: Verum alios non sinebat ita facere, nisi fortes essent in corpore, & in religionis obseruantia exercitati. Talibus uero persuadebat corpora sua discrete castigare, iuuenes stricte prohibebat per duos aut tres annos post ingressum in ordinem, ita agere, propter multa nocumenta,

MARTYRVM ANGLIÆ XXVIII

cumenta, quæ inde acciderunt.

Regebat omnes summa cum prudentia, & omnibus modis quæsiuit bona & pacem plebi suæ. Statura pusillus erat, aspectu elegans, visu uerecundus, moribus modestus, eloquio dulcis, corpore castus, ac humilis corde: omnibus amabilis & desiderabilis, suo conuentui gratissimus ac charissimus: omnes reueriebantur eum, & non erat qui loqueretur de illo ne unum quidem malum uerbum. Et ipse ibat proficiens atque succrescens de die in diem, magis ac magis, & seipso semper robustior efficiebatur: ita, ut uere ab uniuersis magnus haberetur. Et dicebant eum ob eius sanctitatem & perfectionem, dignum existere in Cathalogo sanctorum annumerari, etiam si solummodo communi genere mortis occubuisset. Quid plura? O ingrata uox, quid plura? Multa sane. Si enim linguis hominum loquerer & Angelorū, nihil dignum huius sancti ac uenerabilis patris nostri uirtutibus dicerem. Et quod dixi, minus esse eius meritis, testificor Deum & omnes sanctos Angelos eius. Sed gemebundo pectore modo pertransiens & dimittens, plura referre de eo, non quia desunt, sed quia non possum ferro pectus

sub

HISTORIA

sub eius obedientia curuatus, & nimis cito orbatus eius dulci & familiari amicitia, aliqua interferam de ipso Conuentu nostræ domus, ad implendum promissum, quo innotescat, quod duo unum erant, non in carne una, sed uno spiritu faciente utrosque unum, ut laus una sit utrorumque, patris simul & filiorum, una & eadem morte uniente, & finiente patrem cum filiis.

*¶ De perfectione disciplinæ regularis & sanctæ conuersationis, à monachis in domo Londomensis obseruatæ,
Caput V.*



Vid referam de ouibus, ubi talis ac tantus præeminebat pastor? Num aliud expectandum, quàm quod uocem pastoris audierint, et eum sequute sint? Non plane, non: me solo excepto, qui quasi pecus macilentum ac scabiosum de ouili abscisus sum. Si singulorum mores illius conuentus discuterem, deficeret me tempus enarrantē: sed summatim loquens, dico quod in summa pace cōseruatus erat locus ille. De lapidibus enim

MARTYR. ANGLIÆ. XXIX

enim dolatis atque perfectis ædificatus erat, & malleus atque securis, & omne ferramentum non fuerunt audita in domo illa Domini: tam polita erat, quod ego nunquam audiui, nec seniores, qui longo tempore ante me ibidem fuerant, nouerantque opera Domini, & mirabilia eius in profundo, uel unum uerbum exprobrationis per totum conuentum. Apostatas non numero nec recenseo de conuentu, superiora & inferiora inuicem adeo iungebantur, clauis charitatis confixa, dum alter alterius onera portaret, quod pax, patientia, longanimitas, pietas & charitas exuberabant in omnibus: Seniores non per ambitum discurrebant, nec in plateis, sed in cellis suis sedebant de bonis religionis tractantes, nouam reintegrationem lapsorum, piam reformationem errantium, ac uniformem obseruantiam per omnes domos in prouincia conantes inferre. Et iuuenes induebant se gloriam & stolas belli, ad mortificandum membra sua super terram. En lectulum Salomonis quadraginta & octo fortes ambiunt ex fortissimis Israël, omnes tenentes gladios & ad bella peritissimi, uniuscuiusque ensis super femur suum propter timores nocturnos, triginta monachi & octodecim conuersi, qui

I fortiter

HISTORIA

fortiter stabant super custodiam suam die ac nocte, in exercitatiōe uictorię quilibet suū ipsius. Incompletus numerus restat, ut spero in annum Iubilei, iucundum erat cernere dimicationem & feruorem eorum.

Silentium & solitudo strictissime ibidem seruabatur, adeo ut si pater aut propinquus quenquā salutasset in ambitu claustrī, eundo aut redeundo ab Ecclesia, siue in alio loco extra cellam, quamuis licentiam habuisset, non respondisset, sed tantum ut ad cellas eorum pergeret, si cum illis loqui uoluisset, annuebat. In nullo loco proficiebatur silentium, nec etiam loquebantur ad inuicem sine licentia. Ante harum ingurgitationē tempestatum, nunquam exierunt clausuras domus, nec ipsi quidem conuersi. Per totum diem, excepto tempore conueniendi in unum et discedendi, uis debatur claustrum propemodum quasi nullus inibi habitasset, nisi aliqui seculares colloquendi gratia fortuito superuenissent. In uisu semper & ubique summe custoditi, cuicumque obuiassent in claustro, hominem nunquam aspiciebant, sed inclinantes se illi, transibant, nec etiam in Ecclesia. Inuigilabant autem puritati cordis internēq;
de.

MARTYR. ANGLIÆ. XXX

deuotioni, quę per tales insolentias repelluntur aut prepediuntur, lachrymę in oculis multorum frequentes erant & penę assiduę cū quibusdam eorum: propter quarum inundationem, multis toties non potuerunt in refectorio nec in Ecclesia lectiones legere aut cantum persolvere, etiam aliquorum oculi defecerunt prę lachrymis. Inerat inter eos pia inuidia, non quis eorū esset Vicarius aut Procurator (hoc committebant patri Priori) nec inuicem mordebant, quis illorum esset maior in regno cęlorum (hoc Deo relinquebant) sed quis illorum propius attingeret ueram mortificationē, fortius abnegaret seipsum, humiliter sentiret de se ipso, syncerius seruiret Deo, feruentius amaret Deum, strictius seruaret silentium, cautius custodiret cellam, rarius clamaret culpas in capitulo, primus ueniret ad Ecclesiam, libentius ac diutius ibi moraretur, quis uirtuosis operibus affectuosius inhæreret, ac magis supererogaret debito, & quis melius obseruaret statuta et ceremonias ordinis. Et hoc gratiæ Dei, ac suę industrię per Iesum Christum attribuebant: Pro quibus perficiendis die ac nocte inuigilabant, & alter alterum ad hæc pie animabat & adiuuabat.

I

ij

Erat

HISTORIA

Erat ibi cor unum & anima una, sicut Reuerendus pater uolebat in omnibus, ita ut sæpe pater diceret. Onere graui aggrauatis me fratres, consentientes mihi in omnibus, non sicut ego uolo, sed sicut uos uultis fiat. Omnia erant eis communia, meū & tuum excludebantur à claustro, ita, ut nihil propriū haberetur, siue in libris siue quibusuis rebus alijs: Sed ad uoluntatem & petitionem omnium indifferenter retinebantur, quęcunq; quis in cella habebat. Curiositas summo opere ibi deuitabatur, uilitas, parcitas, & paupertas intimè diligebantur. Quod sane præclare & insignis uirtutis ac gratiæ erat. Nam plerique omnes in illo Conuentu, tam monachi quàm conuersi, magnarum opum ac terrenarum possessionum domini fuerant, aut iure hæreditario eis debebantur multa, sed huiusmodi arbitrati sunt ut stercora, ut Christum lucrifacerēt, pauperem uitam gerentes: Necessarium, non habuit uocem nec locum in Paradyso Dei mei, quia turbabat pacem & seditionem facit in omni loco quo uenerit. Sub umbra enim necessitatis sensualitas & propria uoluntas, quasi leo in spelunca sua, in perditionem animarum requiescunt, ad quas extirpandas ipsum necessarium trudebatur sub dis-

MARTYR. ANGLIÆ. XXXI

ra custodia patris Prioris, ut quod ille necessari-
um diceret, hoc solummodo haberetur, sola ne-
cessitas uigebat inter eos. Tantum duplicia de ali-
qua re necessaria (exceptis libris) habebāt, puta,
habitum, caligas, tunicas, cilicia & huiusmodi.
Non erant potatores nec multo uino dediti. Ha-
bebant ex ordine uinum, bis tantum per septi-
manam, siue festum capituli ueniebat, siue non.
Exceptis tribus principalibus septimanis, & hoc
in modica quantitate, dimidiam scilicet pintam
uini, & non amplius, ullo tempore. Necessitas so-
la extremi frigoris, impellebat aliquos eorum
struere ignem, recolentes quanta frigora et nudi-
tates sustinuerunt sancti Dei, qui circuierunt in
melotis & pellibus caprinis. Etiam si pater Prior
dedisset eis licentiam, sua ligna erogabant in ele-
emosynas pauperum: Nihil ibi fiebat sine licen-
tia, nec dare, nec recipere aliquid quantumcunq;
paruum quis audebat, nec etiam bibere aut fru-
ctus comedere post refectiōes, extrema non
urgente necessitate.

In colloquijs priuatisue conuentionibus, otio-
sum uerbum raro quis audiebat, aut de munda-
nis rebus. Si quis tale quid inconsiderate protu-
lisset, confestim monebatur ab audiente, per

I in quod

HISTORIA

quod animus delinquentis corrigebatur. Sæculares recedebāt ab eorum cellis, creberrimè cum lachrymis dicentes: Vere Deus est in loco isto. Solebant nempe fratres in primo aduentu ad eos, & ad salutationem sæcularium rogare eos, ut nullos rumores nihilq; de mundo intimarent eis: sed si quis sermo bonus esset ad ædificationem, illum trutinabant mente, ad imitationem, ut illud nulla unquam obliuione delendum à posteris, prædecessoris sanctissimi patris nostri Hugonis, Episcopi Lincolnienensis exemplum sectarentur, qui diuertens in quandam domum nostri ordinis, regressurus in Angliā post ædificationem uenerabiliū patrum domus maioris Carthusiæ (ut patet in eius legēda) interrogatus erat ab uno fratrum in cōmuni colloquio eorum, de nouis quibusdam. Cui respondit sanctus Hugo. O pater rumores audire & referre, etsi licet Episcopis, monachis tamē non licet: Cellas uel claustrū rumores ingredi non debent, urbes deferere, & in solitudines rumores afferre non licet. Hęc sonora uox sonabat in auribus nostrorū fratrum in tantū, q̃ grauis eis erat accessus sæculariū, euam si nō ingruisset ultima tēpestas, talis ingressus tamē sæculariū in claustrū nostrum pro posse impediebatur.

Verum

MARTYR. ANGLIÆ. XXXII

Verum diuini officij prolixitas, dulcedo et modulatio cantus, incitabant animos audientium ad deuotionem, & copiosam lachrymarum effusionem. Vulgo dicebatur, Si uolueritis audire seruitia Dei deuotè celebrata, pergite ad domum Carthusiæ, illuc destinabantur Legati aliarum nationum, illuc ascendeabant tribus, tribus Domini, senes cum iunioribus, pusilli & magni, ad confitendum nomini Domini.

Vigilia cuiuslibet noctis apud eos, à festo omnium sanctorum usque ad Pascha, ad minus durabat per quinque horas. Surgebant enim ferialibus diebus hora decima, diebus etiam capitulorum: festis uero Candelarum ante decimam, perseverantes in Ecclesia post secundum pulsum usque post tertiam, aliquando usque ad dimidium post tertiam. A Pascha usque ad festum omnium sanctorum, ferialibus diebus, hora undecima. Et ut sine omni sollicitudine essent, quietiusque uacarent Deo, intendeabant Domino Regi supplicare, ut omnes terras & possessiones eorum ipse dignaretur accipere, redditurus eis annalem redditum eorum, ita ut illi non implicarentur ullis secularibus negocijs. Sed & statuta cum glossa

HISTORIA

sa, strenuissime ibidem ab omnibus, nullo iota scienter prætermisso, seruabantur. Et ipse uenerabilis pater Prior, cum suo Vicario insistebat, ut secundum glosam statutorum conuentus dirigeretur in omnibus.

¶ *De uniformi obseruantia sacri ordinis & caeremoniarum religiosarum, Caput VI.*

3. Reg. 10.



Vid dicam de uniformi ordine per totum illum Conuentum. Videns regina Saba inter cætera, ordines ministrantium Salomoni, non habebat ultra in se spiritum. Certè quicumque uidisset ordines ministrantium in hac domo Domini, inflammatus fuisset spiritu ad seruiendum Deo uiuenti. Non erat nobiscum sicut in diebus ludicum, quando unusquisq; faciebat, quod sibi rectum uidebatur. Inter nostros enim erat uniformitas morum & caeremoniarum, absque aliqua distinctione & diuersitate. Directa quippe erat uia & aperte expressa per scripta, ita, ut stulti non possent errare per eam. Talis ordo & consonantia, decorant religionem, et ubi non est ordo, certe ibi est ariditas deuotionis, continuus horror

MARTYRVM ANGLIÆ. XXXIII

horror mentium, & uerborum maxima deformitas, & dehonestatio sanctarum religionum, nulla compassio super contritionem Ioseph, sed nec ulla cura, quomodo Deo seruiatur, modo tales inordinati religiosi comedendo, bibendo, & dormiendo suo uentri seruiant. Auis discolor non sortietur hæreditatem Domini, in Dei sacrificio sub ueteri lege, ministrantium uestes non texebantur filis diuersorum colorum. Psalmista insuper ait: Deus in loco sancto suo: Deus qui Psal. 67. inhabitare facit unius moris in domo. Idcirco præfecti & præpositi illius domus nostræ, diligenter inuigilabant, ut unus & idem ordo per omnes & in omnibus custodiretur, & cæremónias in nullo præterirent, sed tam stricte eas obseruarent, quasi ipsa statuta, cōsiderantes quod populo Israël Dominus pro nulla re magis iratus erat, quàm pro transgressione cæremóniarum. Et qui spernit modica, cæremónias & huiusmodi, paulatim decidet in contemptum maiorum. Qui enim in modico iniquus & infidelis est, certe & in maiore erit si permittatur. Ad quæ declinanda, sæpe præconis uoce incultatum erat, illud auribus nostrorum: Custodite cæremónias meas, dicit Dominus, Et ut omnia fierent

K

3. Reg. 2.

HISTORIA

rent decenter, honeste, ad amussim, cum maturitate, grauitate, & condecencia morum, ac secundum uniformem gestum & modum sacri ordinis nostri.

I De eximia perfectione & simplicitate
fratrum Laicorum: Et de singulari
sanctitate aliquorum patrum,
Caput VII.

IN grege Laicorum eadem per omnia mandata erant, atque religiosissime obseruata. Erant enim ueri conuersi nomine & re totaliter à mundo ad Deum, filij obedientissimi, fratres charissimi, famuli diligentissimi, patres affectuosissimi, sollicitudinem maximam gerentes pro monachis, & consolationem non modicam eis inferentes in tribulationibus eorum, & amici Dei familiarissimi: Quibus quæ audiuit à patre suo adorando, sæpe reuelauit Dei Filius, Cum uero essent sancti Idiotæ & sine literis, mira tamen conceperunt de lectis & auditis in Ecclesia & refectorio, & sciscitantibus ignitas spiritualis intelligentiæ scintillas eructauerunt. Negociationem sapientie Dei,

MARTYRVM ANGLIÆ. XXXIII

Dei, prælibationesq̃ internas frequentabant, exercebant, & cum intellectuali dulcedine gustabant, feruebatq̃ inter eos, sicut inter monachos, studium rigide paupertatis, superfluitatis odium, necessitatis tenuis usus, obliuio temporalium, concupiscentia desiderij æternorum, communis humilitas, cordis contritio omnibus in comune, suipsius abiectio & prælatio sociorum: Sancta deuotio & feruor spiritus inerant inter eos, adeo, ut duo eorum iacentes super terram in tempore orationis, prostrato corpore eleuabantur simul cum corpore à terra: Nomen unius Rogerus, alterius uero Ioannes. In affirmationem huius aliud non minus stupendum referam, in ædificationem corporis Christi.

Fuit in illa domo nostra Londoniensi quidam uenerabilis pater, sanctitatis inenarrabilis, sexagesimū post professionē suam in nostro ordine excedens annū, è quibus triginta annis Prioratū huius domus nostræ dignissime administrauerat, Vuilhelmus Tynzbi nomine, natione Hybernus. Hic ante habitus & ordinis susceptionē ad sanctā ciuitatē Hierusalē peregrinabatur, ubi & ab Agarenis captus fuit, et perimendus carceri traditus, Sed ipsi in hac angustia cōstituto, pri-

K ij die

HISTORIA

die quàm occidendus erat, uenit in mentem memoria cuiusdam imaginis diuæ Catharinæ, in capella domus paternæ in patria sua pendentis: Ad quam toto cordis affectu conuersus, inuocabat cum crebris lachrymosis suspirijs præfatam Christi sponsam pro sui liberatione. Et in hac supplicatione diutius persistens, somnum incidit, à quo euigilans, inuenit se in illa capella domus paternæ ante prædictam imaginem sedere, Dei omnipotenti uirtute (cui nihil impossibile est) per immensa maris & terrarū spacia subito translatus, non absque grandi miraculo. Vnde & ipse & cæteri qui aderant, uehementer admirati, & de inopinato eius aduentu gauisi sunt. Ipse autem diuinam in se expertus clementiam, & beatissimæ Catharinæ patrociniū, rem prout gesta erat, omnibus enarrauit. Quibus auditis, eum in magna reuerentia habere cœperunt, & ut sanctū uenerari. Quod ille perpendens, clam aufugit, & ad ciuitatem Londoniarum deuenit, & post aliquantulum temporis habitum nostræ religionis in domo nostra suscepit. In qua alter Anthonius effectus est in perpeſsione & uictoriatentationum, in frequenti conflictu Dæmonum, & in sanctitate uitæ. Sicut enim Dæmones plagauerunt

MARTYRVM ANGLIÆ. XXXV

plagauerunt sanctum Anthonium semiuuio eo relicto, ita & hunc. Qui quidem celabat omnia ob humilitatis cōseruationem, quantum potuit. Quadam tamen nocte, tot & tantis plagis à Demonibus læsus erat, quod non potuit se mouere à loco in quo iacebat, nec tegere corpus uestimentis, propter quæ compulsus erat, absens esse à principio matutinarum: Quem requirens infirmarius, inuenit in terra iacentem cum defluentibus uulneribus, omnibus in cella sua conturbatis & confusis, frequenter etiam in multis alijs cum impugnauerunt. Iste sanctus Pater tantæ sanctitatis erat, quod per multos annos ante suum obitum, raro uel nunquam dicere potuit illud sanctissimum Euangelium: In principio erat uerbū, absq̃ ecstasi & raptu. Raptus quoq̃ erat quodam tempore in Paradysum, ubi & audisse se perhibebat ineffabilia uerba, & multos ibi uidisse, & cognouisse olim sibi familiares. Supereminens sanctitas huius, probata erat ab omnibus sine simulatione. Obijt autem Anno Domini 1529.

Multī alij etiam in illa nostra congregatione, mira dulcedine diuini amoris inebriati, ac ineffabili sanctitate præditi erant. Sæculares dicebant,

K iij quod

HISTORIA

quod si possibile esset hominibus in terris assimulari Angelis in cœlis, eorumque puritatem aliquammodo attingere, in illa domo nostra tales esse. Sed & ipse uenerabilis pater Prior, crebrius dicere solebat, sese Angelos sub sua obedientia habere: Ego autem dixi, dñi erant, & filij excelsi. Quo ad furtiuas disciplinas, quas multi eorum susceperunt, & de tentationibus, quas pertulerunt, in quibus terribilibus effigiebus Diabolus apparuit eis, quas molestias intulit eis, quibusque plagis corporis mactauit & cecidit eos, qualisque ludus factus est eis, talia quidem & alia quam plura potius miranda, & facilius ueneranda, quam imitanda, omitto scribere, ne non ueritatis obtestatio, sed adulationis, inanis iactantiæ, aut propriæ laudis obsequium esse putetur.

Sed hoc pro ueritate sciat omnis domus Israël, quod mirabilis Deus mirabilia multa & magna, circa electos suos in illa domo existentes, operari dignatus est. Lingua non potest dicere, nec litera exprimere magnalia Dei, quæ per eos fecit: quot tentati, per eorum preces & sancta consilia alleuiati, quot afflicti & moestii sunt consolati, quot à baratro desperationis

MARTYRVM ANGLIÆ. XXXVI

nis subleuati, & erepti: Nullus inconsolatus recessit ab eorum colloquio, nec aliquis perijt, qui eorum implorauerat auxilia, & se precibus eorum semel submiserat, sed sanabatur à quacunque spiritali infirmitate detinebatur: cum alij quidam non ita suffulti specialiter, aut gladio se peremerint, uel strangulauerint, aut seipso suspenderint, uel in aquam demerserint. Montes excelsi ceruis, & petra refugium erat he. Psal. 103.
rinacijs. Et quod superest, & maximum erat, humiliavit eos Deus, qui est ante sæcula. Nihil fiebat per contentionem, neque per inanem gloriam, sed in humilitate superiores se inuicem arbitantes, non quæ sua sunt, uel erant, considerabant, sed ea quæ aliorum, colligentes singuli fasciculos myrrhæ ex aliorum uirtutibus, unde sibi humilitatem construerent.

Et quamuis per singulorum humilitatem discurre ut possim, uires interne mihi non suppetant, nimisq; protraherem sermonē, nota facere si uelim omnia quæ uidi & noui, unius tamen humile sentire de seipso non reticebo, patris scilicet Vuilhelmi ex Mewe, qui cū esset iuuenis annorum uiginti et octo, genere præclarus, ingenio acutus, Græco Latinoq; sermone non mediocriter insignis,

HISTORIA

gnis religionis magnus zelator, strenuusque cultor Dei, nec inuentus esset quis similis illi per omnes domus nostrae prouinciæ, primo Vicarius, postea Procurator nostrae domus, & singulis noctibus in fine secundi nocturni ab Ecclesia recederet, permittentibus statutis, tam confuse recedebat (sicuti mihi crebro referre solebat) quasi reprobatus esset à Domino, indignum se iudicans non solum annumerari, uerum etiam appropinquare uel permanere in consortio fratrum suorum, cum quibus staret & cōsisteret in laude Dei, & idcirco electum se esse in officium Iudæ, ut cum Iuda in fine damnetur, se timere aiebat. Quibus lachrymis illud officium Procuratoris suscepit, quæque media inuestigarit, ut ab illo exoneraretur, nouerunt uniuersi illius domus. Nunquam illo cordialius dolentem, & amarius plorantem uidi quenquam, quum, solitudine cellæ relicta, in tumultum sæcularium exiret, iniunctum sibi sub obedientia exequuturus officium, cum de Pellicano solitudinis fieret taurus pinguis, aptus ad occidendum, de nycticorace in domicilio, coruus deuorans in torrentibus, et de passere solitario, fieret aquila super domum Domini: Dolor ingens tunc attriuit cor eius humile,

Psal. 101.

MARTYRVM ANGLIÆ. XXXVII

le, inuentam preciosam margaritam uerebatur perdere, gustato insuper spiritu dulci^q quiete solitudinis, desipiebat caro libertas^q seruilis. Similes sui in hoc erant & alij quàm plures, qui maluerant sedere in angulo domatis, quàm cum muliere litigiosa & in domo cōmuni. Mutuam charitatem illorum, non solum gestus & uerba (quibus se inuicem semper amplexati sunt) sed permaxime ipsa pia sollicitudo (quam unus gerebat pro altero) in omnibus illis malis, quibus circumdati erāt (præcipue, quādo cibaria domorū per præpositos domus ablata erāt ab eis) ostendebat. Quomodo cōpatiebātur singuli singulorū inedia & fami, quomodo tūc se mutuo cōsolabātur, quas^q adinuētiōnes explorauerūt, per quas alijs subuenirēt, & eorū refocillarēt famem & sitim, pia quoq^q sollicitudo ipsorum pro incarceratedis infra & extra domum luculentissime demonstrabat, per quæ illos ueros esse discipulos Domini nostri Iesu Christi, probatum erat. Nihil inferam de castitate, quia nihil inquinatum uel immūdum introiit in illam ciuitatem. Quid plura? Ibant in directum uaccæ, per uiam quæ ducit Bethsames, & itinere, non diuerso, sed uno gradiebantur omnes, pergentes & mugientes

Prouer. 21.

L

atq^q

HISTORIA

atque lugentes prolongationem sui incolatus,
& miseras huius peregrinationis: & non decli-
nabant, neque ad dexteram neque ad sinistram.

¶ De fratribus reprobis cum bonis sociatis, &
eorum terribili punitioe, Cap. VIII.

Hiere. 31.



Prover. 10.

Eccle. 5.

SED si forte calcitrasset quispiam
(Nouum enim conderet Deus su-
per terram) si in tanto conuentu
zizania non superseminasset inimi-
cus, & bonis mali non admixti fuissent, in exerci-
tationem bonorū (Sicut em̃ ibi erāt multi boni,
boni ualde ita erāt ibi aliqui mali, mali ualde) Et
quemadmodum p̃sissimus Deus nō cessauit illos
probare, quasi aurū quod per ignē transiit, in bon-
num ipsorū, per accumulationē meritorū & am-
plioris gratiē, ut ambularēt de uirtute in uirtute:
ita & istos malos post multas uocationes & di-
uersas correctiones, ad innotescendum, q̃ graue
crimē sit post uota retractare, quomodoq̃ displicet
sibi stulta & infidelis p̃missio, quāmq̃ male-
dictus sit, qui uotū immolat Domino debile uel
claudum, quomodoq̃ melius esset nō uouere, q̃
post uota p̃missa nō reddere: Nō habens tandē
super quo percuteret eos ultra, addētes preuarica-
tionē, dimisit eos secundū desideria cordis eorū,
quod

MARTYR. ANGLIÆ. XXXVIII

quod omniū plagarū super peccatores est gra-
uissimū memēdisimūq; eterne reprobationis
signū. Et permisit eos labi, peccatis suis exigenti-
bus, de bono in malū, de malo in peius, & de pe-
iore in pessimā obcæcationē & cæcitātē mentis,
q; nō sentiebāt percutientē, sed dixerūt bonū ma Esa. 5.
lum, & malum bonū omnibus diebus uitæ suæ.
Si ergo, ut dicere cœpi, forte calcitrasset quispiam
aut aliqui ex eis, primo correxit eos Prior pa-
terne ad emendationē, nolens eos perire, sed ad
poenitentiā reuerti. Cū em̄ in esset cuiq; in illo clau-
stro, cor malū & incredulitatis discedendi à Deo
uiuo, uel alius quis exacerbasset Deum peccator,
non cōtinebat in ira sua clementissimus dominus
misericordias suas, ut secundum multitudinē iræ
suæ nō quereret, reseruans oīa in futuro: Sed cū
statim in foribus peccatū adesset, ukilcebatur per
apertā uindictā, de quibus uindictis nō est modo
dicendū per singula, quas patres nostri narraue-
runt nobis. Aliquas earū quas ego, & qui mecum
est, frater conuersus, uidimus, recitabo, propter
cautelam aliorū. Foelix enim quem faciunt aliena
pericula cauiū: Iustus quoq; lauabit manus suas Psalm. 57.
in sanguine peccatoris, timens & deuitans talia
cōmittere, propter quæ uidet alium plagatū. Pe-

L ij stilente

HISTORIA

Prove, 19. stitente quippe flagellato, stultus sapientior erit.

Fuit itaq; in hac congregatione nostra, monachus quidam Thomas Salter nomine, summo pere delectatus in denotatione & diffamatione fratrum, & hoc apud seculares, qui tamen nunq; abstulit malum a seipso. Hic post crebras Apostasias, quodam tempore cum in carcere clausus fuisset, sub custodia etiā unius fratru conuersorū, ne amplius fugā faceret, adeo terribiliter dæmones quadam nocte eū aggressi sunt, & tam dire & horribiliter tractauerūt, q; nisi custos suus, qui id in spiritu uidebat, corporeq; nimio terrore cōcussus, dæmones sentiebat ad Apostatā introeūtes eūq; uexātes, qui insuper audiebat clamores afflicti: Nisi (inq;) iste custos per suas deuotas acclamationes et sanctas preces, cito ad eū euigilasset, ipsum penitus strāgulassent & necassent, sicut ipsemet Apostata postea retulit, qui tamen post multā morā, dæmonibus etiā effugatis, uix ad se redire potuit. Alius quoq; frater fuit Georgius nomine, huic uehementer aspiranti ad ollas carniū in Ægypto, oīa quæ ordinis & sanctæ religionis erāt, onerosa uidebant et graua. Hic quodam tempore uesperarū attædiatus in diuino seruitio, exiuit Ecclesiā secūdum cōsuetudinē, deambulatum

MARTYRVM ANGLIÆ. XXXIX

bulatū in capitulo. Quod cū ingressus fuisset, ima-
go crucifixi, quæ pendeat in p̄spectu introeun-
tibus, uidebat sibi uertere dorsum in cruce, auer-
tens se totaliter ab eo. Quo uiso, ille eodē instan-
ti amens factus est, & cecidit in desperationē, &
in illo miserabili statu permansit per dimidium
annū. Postea uero per preces fratrum pristina red-
ditus fuit sanitati, quam nulla tamen emendatio
cōuersationis comitabatur. Nam in tantam irres-
ligiositatē decidit, quod compulsus erat conuen-
tus eum expellere ab ordine per licentiā Capituli
generalis. Fuit etiam alius sacerdos, nomine
Nicolaus Rawhus, nimis tepidæ cōuersationis,
cui etiā satis molestū erat in Ecclesia permanere,
qui tandem apostatare meditabatur. Is ueniens
do quodam tempore ad uesperas, tanta percus-
sus est cecitate, quod ostium Ecclesiæ minime in-
trare quīuit, nec etiā inuenire: cum tamen unum
pedem super limen posuisset, sed palpando huc
illucq; diuertebat, & ad cellam reductus, statim
uisum recepit. Indignus ergo erat intrare Ec-
clesiā. Sed & iste idem alio tempore in celebra-
tione Missæ constitutus, tanto terrore ac tremore
corporis est concussus, quod procedere non
potuit, sed compulsus fuit uestimenta sacerdo-
talia

HISTORIA

talía exuere, & inchoata deferere. Similiter & alius frater, nomine Henricus, cōsimilis teporis & cōuersationis, eadē ruminans, sed nō recte diuidens, in celebratione Missæ conuētualis cōstitutus, eodē modo plagatus fuit per horribilē tremorē, cucurritq; ab altari in Sacrariū, ut exueret uestimēta, quod & fecit. Quia semel cœpi loqui, addam & quintū de alio quodā, qui etiā monachus erat in domo nostra, nomine Ioannes Dai-lei, magnis quidē tētationibus prægrauatus. Hic quadā die murmurauit, qđ nō fuit saturatus, & cibis in prandio sibi administratus oculis suis & appetitui nō placuit, dicēs inter cætera, Se malus ille comedere bufones, q̃ illius generis pisces. Mira res, iustus Dominus nō fraudauit eū à desiderio suo. Tantā em̃ copiā bufonū attulit ei, qđ cumulati, pauimentū cellæ eius replerēt, reptātes & salientes post eū, quocūq; circa cellā suā pergebat. Erāt sibi cōmensales & cōuiuæ in mensa, etiā in ipsum discū suū prosiliebant: erāt quoq; ei contorales & socij in lecto. Si quem in ignem proijceret, statim exiliebat illēsus: si occidisset eos, alij superueniebant, & numerus quotidie augmentabatur, perseuerabantq; cū eo in cella sua per integrum mensem, nec ullo modo ab eis liberari potuit. Semel aut̃ unū eorū forcipe apprehensum, in

MARTYRVM ANGLIÆ. XL

igne torrere uoluit, sed tantus fœtor ex eo exalauit, ut à cœpto desistere cōpulsus sit: etiam alij existentes in clauſtro à longe, eundē fœtorē sentiebant. In horto uero suo permanserūt per spaciū trium mensiū, ipsemet frater sæpiſſime hoc idem cum magno dolore cordis enarrare solebat. Sic per hæc & multa alia reuelauit Deus cōdēsa, noluit tam sanctū collegiū, adeo nefarijs actibus & enormibus peccatis dehonestari. Propter alios quoq; permisit deus istos talia pati, ne in idipsum in re dultatis exemplū & peccatū quis incideret, & propter seipsos, ut ita castigati à talibus, in posterū desisterēt stultijs & neq;tijs: Qui tamē nō sunt reuerſi, sed irritū fecerūt pactū suum cū Deo & omnibus suis sanctis, & habitu religionis reiecto, exierunt à nobis per licentiā Dñi Regis nostri. Sed hæc de huiusmodi dicta sufficiāt, & utinam eorum pœnitentiam insinuare possem & emendationem, sicut eorum delicta & pertinaciam, ut spes pereuntium esset recuperatio deperditorum. Sed modo eorum mala tantū indicata sunt, ut cautela posterorū sit ruina præcedētium.

Nunc uero ad inchoatę historię seriem prosequendam, stilum retorquibo, bonorū & malorū exemplis & moribus elucidatis, ut ubi bonorum exempla nos non prouocant, saltem aliorū mala

HISTORIA

nosterreant. Nam idem est Deus, & abbreviata eius manus non est, sed adhuc extenta, ad saluandum & ad puniendum. Et ad domū meam reuertar unde exiui, ubi ut confitear Domino in bonis suis, dignetur reedificare in ea tabernaculum suū, & reuocare ad eam omnes captiuos & dispersos suos, ut in Hierusalem consolemur. O domus gloriosæ uirginis pijsimæ matris Dei, edificata olim cum propugnaculis, nūc sedens in tristitia domina gentiū, nomē tuū & memoriale tuū in desiderio animę. Anima mea desiderat te in hac nocte tenebrosa, sed & spiritus meus in precordijs meis: De mane uigilabo ad te, cupiēs restorationē tuā uidere. O q̄ beatus essem, si fu-erint reliquę seminis mei ad uidendam claritatē tuā primā, quā habuisti ab initio. At quorsū ista? Quare mœrore cōtraheris anima? Nunquid rex non est tibi, aut consiliarius tuus perijt, quia innouauit te dolor? Nonne benefecit tibi Deus, perducens te recto itinere in domū fratris matris tuę, ut inde sumas uxorē filio tuo Isaac? Nunquid in Iudęa tantū notus Deus? O consolatio onerosa: renuit consolari anima mea taliter. Bene mihi quidem fecit Deus, merita excedens & uota, non attendens misérias & culpas,
nec

MARTYR. ANGLIÆ. XLI

nec mihi faciens secundum peccata mea: Sed si in ipsum cœlum raperet, degenerantis animi esset & nimix ingratitudinis, immo uero impietatis nequissimæ, obliuisci maternorum uiscerum in hac senili ætate, quæ me genuerunt. Et quid ago? Si loutus fuero, non quiescet dolor meus: Et si tacuero, non recedet à me. Exemplo idcirco eius, qui cū turbatus esset, non loquebatur, obmutescam. Veritatem tamen hanc dicam, & non mentiar, testimonio mihi perhibente conscientia mea, quòd tristitia mihi magna est, & intimus dolor super dolorem cordi meo, non solum pro fratribus meis absentibus, qui desiderant diem uidere ex die, quibus nondum perforatum est foramen in ore Leviathan, ut libere Job 40. transeant hoc mare magnum & spaciosum sine periculo mortis: sed etiam pro alijs, quorum multos ego noui, qui credituri essent per eos & conuerterentur ad Dominum Deum nostrum, si aliqua domus nostri ordinis in illa prouincia reædificaretur: pro meipso autem nihil nisi in infirmitatibus meis spiritualibus. A quibus ut alleuier per Dei misericordiam, hanc sumam item cum amore & gratiarum actione, quibus possum, non quibus uellem & debeo, am-

M

plēctar

HISTORIA

plectar in spe, quod participet mecum de bonis suis, & temperet dolorem, qui ex morte matris meae accidit, ac incalescente suo tactu refoueat carnem frigidatam prae inueteratione in diebus malis, quando fodiebatur pectori fouea, firmissime sciens, quod hic & in omni tribu Israel magnum sit nomen Domini. Et quamuis omnes qui introibunt in domum Domini, reddituri uota quae distinxerunt labia sua, non debent apparere uacui, sed in holocaustis, in oblatione & odorem uirtutum, cum reformatione morum ac sui abnegatione, Deo suo appropinquare: tamen sancti patres nostri, pro quibus praecipue haec historia textitur, praeter oblationes & uota ultronea obtulerunt in decorem domus Dei nostri holocausta medullata, cum incenso arietum, & adipe pinguium: obtulerunt boues cum hircis, pellem cum carne, nihil sibi reseruantes, nec corpus nec animam, nec interiora, nec exteriora, quandoquidem agonizauerunt pro iustitia usque ad mortem, mortem quidem contemptibilem & horrendam, mortem autem patibuli, gladii & ignis. De qua morte restat adhuc dicendum. Quod priusquam aggrediar (revelationibus, quibus Dominus seruos suos frequenter erudiuit, praetermis-

MARTYRVM ANGLIÆ. XLII
termisissis) de aliquibus signis prodigijs pauca
referam.

¶ De prodigijs ante martyriū fratrum uisjs. Et de
præparatione eorum ad mortem, primo pro-
pter secundas nuptias Regis, & tandem
finaliter propter schisma, Caput
nonum.



Ontigit autē Anno Domini 1533.
procellosam hanc tempestatem præ-
cedente, cometem uideri in aëre ex-
tendentem radios suos plane &
aperte usq; ad domum nostram. Totus Conuen-
tus, regrediens quadam nocte à matutinis, cerne-
bat ac intuebatur radios prouenientes ab illa
stella, coruscare ac scintillare per quandam al-
tam arborē in cœmiterio nostro, & transfunde-
re se, & transuerberare super Ecclesiā nostram,
& illum locum, ubi campanæ pendeabant. Quod
quidē inauditum est, & inuisum à retro sæculis.
Eodem quoq; anno uenerabilis pater Prior no-
ster, quadā nocte post secundū Nocturnū egres-
siebat Ecclesiam, qui intrans in cœmiteriū, uide-
bat

HISTORIA

bat in aëre globum sanguineum miræ magnitudinis. Ad cuius aspectum expauit cor eius, & pre timore cecidit super terram. Eundem aut similem globum siue spheram uidebat & alius frater eadem nocte, exiens in hortum celle post Matutinas. Alia etiam non minus monstrosa de duobus cuneis muscarum, instante ipso periculoso tempore acciderunt: Quarum una turma fuit nigerissima, et ualde deformes erant, similime illis muscis, quæ gignuntur è simo iumentorum. Alterius uero turmæ muscæ, erant diuersorum colorum, et oblongæ, similes illis quæ uolitant in arundinetis super aquas. Et hæ turmæ duæ infinitæ multitudinis, diuersis temporibus requieuerunt super domum nostram, ac omnem superficiem eius cooperuerunt. Quæ quidem omnia aliquorum euentuum signa & prodigia nobis imminentium esse formidabamus, & in bonum conuerti omnes rogabamus. Sed anno sequenti timor, quem timuimus, euenit nobis, & quod ueriti fuimus accidit, ac tanta mala eruperunt, per quæ si Deus nobis misericors non fuisset, poterat omnis retro abundantia tradi obliuioni.

Anno enim Domini 1534. cum ciuitas nostra,

MARTYR. ANGLIÆ. XLIII

stra, domum dico salutationis beatissimę Ma-
 tris Dei uirginis Marię iuxta Londonias, habi-
 taretur in omni pace (leges enim optime custo-
 diebantur, propter dicti religiosissimi patris no-
 stri Ioannis Houthon inibi Prioris existentis,
 dispositiōē, deuotionem, pietatem & peruigi-
 lem curam circa gregem suam, ac animas inibi
 odio habentes mala) contigit inimicum huma-
 ni generis, quieti, paci, charitati ac sanctitati eo-
 rum inuidentem, animum regis Anglię, ad quę-
 dam illicita in regno suo peragenda instigare.
 Super quibus consensum omnium sibi subdito-
 rum, à sedecim annorum etate & supra, tam res
 religiosorum quàm sæcularium extorquere uole-
 bat: Quorum malorum caput siue principium
 hoc erat, ut omnes secundis suis nuptiis, priore
 regina et coniuge sua licet superstitē, cōsentirent,
 easque ratas & licitas esse affirmarent. Cumq;
 commissarij ad hoc negotium delegati, hoc edi-
 ctum regis exequi egrederentur, & ad sanctum
 patrem nostrum deuenissent, quatenus ipse &
 suus conuentus regię iussioni & ordinationi
 præberent consensum: Respondit pater, suę
 uocationis non esse, nec se, seu quenquam suo-
 rum, regiis negotiis ingerere posse aut debere:

*Secunda nup-
 tie uiuente pri-
 ma uxore.*

M iij Neq;

HISTORIA

Neque sua interesse quam uelit rex repudiare, quamue accipere uxorem, dummodo à se suisque nihil de huiusmodi rebus exegerit. Sed hoc responso non contenti, uoluerunt, ut sine aliqua interpolatione, conuentu suo congregato sub præstito iuramento illicitas esse priores nuptias affirmarent, hisque secundis et proli subter eas editę præberent animum & obedientiam. Venerabili tunc patre nostro respondente, se non posse capere, quo pacto priores nuptiæ secundum ritum Ecclesię celebratę et tam diu obseruatę irriterentur, iussus est mox recludi in carcere turris Londoniensis cum patre Hunfrido, procuratore domus nostrę, ubi per unum mensem detenti fuerunt. Postea uero persuasum est eis per quosdam probos & doctos uiros, illam non esse licitā causam mortis infligendę: Quibus auditis, sub conditione regię annuerunt iussioni, sicque dimissi, domum redierunt, quos admodum læti suscepimus. Verum quando id iuramentum à conuentu exigebatur, non minima inter eos erat turbatio: Quod cernens pius pater noster, ait. Nondum aduenit hora nostra, patres charissimi. In ipsa autem nocte, qua frater procurator & ego à carcere fuimus dimissi, me non tam cito

MARTYR. ANGLIÆ. XLIIII

cito euasurum, sed illuc reducendum, eundemq̃
carcerem infra annum me recepturum somnia-
ui, ubi cursum meum consummabo. Restat idcir-
co aliquid aliud nobis in breui proponendum,
ut existimo (quamuis fides non sit adhibenda
somnia) tamen pariter uiuamus Deo non offen-
so, quamdiu possumus. Dum hæc ita agerentur,
uenerunt Consiliarij regij & rectores ciuitatis
cum satellitibus suis, rapere & carceri mancipare
totum conuentum. Remiserant enim eos uacu-
os à proposito bis antea, uenientes accipere iura-
mentum. Quod fratres considerantes, p̃ijs &
salutaribus sancti patris consilijs & exhortationi-
bus acquiescere decreuerunt. Et sic demum in
uerba regis iurauimus, sub conditione tamen,
quatenus licitum esset. Anno Domini 1534.
die uicesimo quarto Maij, Prioratus patris no-
stri anno quarto. Nos igit̃ de uentre huius imma-
nis ceti salua conscientia, ut sperabamus, liberati,
letari cepimus cū Iona super hedera in habitacu-
lis nostris, quæ obumbraret & protegeret nos à
pluuia, turbine & æstu, ut sub umbra illius securi
federemus absq̃ aliqua maiori tribulatione. Sed Psal. 145.
melius est confidere in Domino, q̃ in principi-
bus, in quibus nō est salus. Preparauit em̃ Deus
uermem

HISTORIA

Ionæ 4.

Schisma ab
unitate Eccle-
siæ.

uermē in ascensu diluculi, qui percussit hederā et
exaruit, nullo uestigio prioris fœderis initi rema-
nente, uexatioq; dedit nobis intellectū de prædis-
cta reuelatiōe sancti patris nostri. Et tūc uere ex-
perti sumus, q̄ Propheta fuerat in medio nostri.

In principio enim anni Domini 1535. diffis-
nitum fuit per Regem Angliæ, & in celebri actu
Parlamenti sui institutum, ut omnes authorita-
tem & obedientiam, quam debebant domino
Papæ & cuiq; alio superiori in alijs regnis, abres-
nunciarent, & ipsum Regem, ut supremum ca-
put Ecclesiæ, tam in spiritualibus quā temp-
oralibus, sub iuramenti attestatiōe susciperent:
Contradicentes uero, tanquam rei læsæ maie-
statis haberentur, & æquali morte plecterentur.
Quod cum per totum regnum promulga-
tum fuisset, uenerabilis pater Prior noster con-
uocauit Capitulum, atque quæ imminebant
conuentui indicauit. Quibus auditis, conster-
nati erant animo ualde. Tunc dixit pater, Tris-
titia mihi magna est, & cordi ingens dolor præ-
cæteris, pro fratribus meis iuueniculis, qui ab-
undant in isto conuentu. Videtis enim fra-
tres, q̄ multi sunt hic iuuenes innocenter mo-
do uiuentes, quorum ceruicibus iugum oneris et
sceptrum

MARTYRVM ANGLIÆ. XLV

sceptrum exactoris nunquam impositum fuit :
 Qui cum semel commixti fuerint inter gentes, ti-
 mendum est, ne discant opera eorum, & cum
 coeperint spiritu, nunc carne consummentur :
 Corruptunt enim bonos mores colloquia ma- 1. Cor. 15.
 la : Cum peruerso conuersantes, cito peruertens-
 tur. Et difficile est tangere picem, id est, mundum Eccles. 13.
 absq; inquinamento carnis & spiritus, ac transire
 per ignem illæsum. Alij etiam sunt ex nobis, à
 quorum fortassis cordibus luxuria penitus ab-
 scisa non est, de quorum periculo non minime
 metuimus, cum reincœperint per conuersatio-
 nem mūdānis rursus inuolui. Quid dicam ergo
 fratres, uel quid faciam, dum nil boni perferam
 de his, quos dedit mihi Deus, ante iudiciū ætera-
 num? Et fletus magnus inter eos erat. Tunc
 dixerunt omnes constanti animo & una uoce,
 Moriamur omnes in simplicitate nostra, & tes-
 tes erunt super nos cœlum & terra, quod iniu-
 ste perditī sumus de terra. Respondit mœstus
 pater, Vtinam ita fiat, quod una mors reddat ui-
 uos, quos una uita tenuit moriuos. Sed nec tan-
 tum bonū nobis, tantumq; malum sibi ipsis illa-
 turos eos credo : Ex nobili prosapia multi ue-
 strum estis, sed hoc potius (ut reor) facient, Vos

N seniores

HISTORIA

seniores & me in mortem tradent, hosquē iu-
venes dimittent auolare liberos in terram non
suam. Idcirco si solummodo pro meo consen-
su negocium fuerit, exponam me misericordiæ
Dei, & ero anathema pro his fratribus meis mi-
nimis, ac consentiam regiæ uoluntati, si licite
fieri possit, ut præseruem istos à tot & tantis pe-
riculis futuris. Si aliter decreuerint fieri, ut om-
nes consentiant, & si mors unius (ne tota gens
pereat) non proderit, fiat uoluntas Dei, & uti-
nam fiat par sacrificium de omnibus. O quo-
modo coartabat spiritum huius sanctissimi uiri,
hinc charitas Dei nolens offendere eum, illinc
periculum aliorum, à quo eos præseruare cu-
piebat: sed quid eligeret ignorabat, præualuit
tamen charitas Dei, memorans eiusdem sententiam:
Lucæ 9. Quid proficit homo, si lucretur uniuersum
mundum, seipsum uero perdat, & detris-
mentum sui faciat? Qui me erubuerit & sermo-
Matth. 19. nes meos, &c. Vel illud: Qui aliquid amat
plus quàm me, non est me dignus.

Nihilominus iste sanctus pater noster ita angus-
tius in hac conuentione nostra, dixit in super
nobis. Ignorantibus nobis fratres quid eueniet,
ne

MARTYRVM ANGLIÆ. XLVI

ne imparati inueniamur, quando Dominus pulsauerit ianuam, disponamus nos, ac si statim morituri simus: lacula enim præuisa minus feriunt. Tunc suasisit eis præparare corda sua Deo per generalem confessionē, deditq; licentiam, ut unusquisq; confessorē quemcunq; uoluerat in claustro sibi eligeret, & omnibus dedit auctoritatem plenariæ absolutionis. Et hoc facte, sequenti die inquit: Quia in multis offendimus omnes, & iacob. 3. unusquisq; debitorē habet fratrem suum, & etiam quia sine charitate nec mors nec uita aliquid proderit, inuicem reconciliabimur. Et tertia die Missam de Spiritu sancto celebrabimus, pro gratia illius impetranda, qua ualeamus uoluntatem & beneplacitum eius adimplere. Igitur cum prima dies transisset, patris nostri saluberrimo consilio adimpleto, & dies reconciliationis aduenisset, præmissis Pater noster, diutino & deuotissimo sermone de charitate, patientia, ac firma adhæsione post Deum, in aduersis, tractando illos quinque primos uersus Psalmi: Deus repulisti Psal. 59. nos, & destruxisti nos: ita finiendo & concludendo sermonem suum. Melius est nos hic pro culpa brevē suscipere poenam, quàm æternis seruari cruciatibus: Tunc dixit, Charissimi patres

N ñ &

HISTORIA

& fratres, quod uideritis me facere, facite obsecro & uos. Statimq; surgens perrexit ad seniore[m] domus iuxta se sedentem, ac genua flectens coram eo humiliter petijt ueniam, & indulgentiam pro omnibus suis excessibus & peccatis, contra eum aliquo[m]modo commissis corde, ore, uel opere. Et eodem modo, alter se habuit ad eum, petens ueniam pro suis. Et sic procedens pater per chorum suum primo, deinde in altero choro eadem petijt ab unoquoq; singillatim per se, donec ueniret ad ultimum conuersum, amarissime plorans super singulos. Et similiter omnes sequebantur eum alternatim, singuli petentes à singulis ueniam. O quantus ibi luctus, quantæ profusæ lachrymæ: Vere uox in rama audita tunc erat, ploratus & ululatus multus: Rachel plorans filios suos inconsolabiliter & irremediabilibus lachrymis, præuidens mala eis imminencia. Ab hoc die, qui uultum sancti patris nostri intuitus fuisset (qui quidem antea ob qualemcunq; euentum, in diuersa nunquam mutabatur) sciuiisset utique, quæ & qualis plaga modo tetigerat cor eius. Facies enim & color immutatus, declarabat internum animi dolorem. Circumfusa erat uiro interna quædam mœstitia, & horror corporis, per

Matth. 2.
Hie, 31.

MARTYRVM ANGLIÆ. XLVII

per quem manifestus aspicientibus dolor cordis eius efficiebatur.

Tertia uero adueniente die, qua Missa de Spiritu sancto in conuentu celebranda erat, ipsemet deuotus pater Prior præparauit se ad illam persoluendam. In cuius tempore Missæ dignatus est omnipotens & misericors Deus, mira & ineffabilia operari. Sacramentum regis abscondere bonum est, opera autem Dei reuelare & confiteri honorificum est. Manifestabo ergo ueritatem, & non abscondam à uobis occultum sermonem. In illa conuentuali Missa, sanctissima eleuatione peracta, sibilus quidam auræ tenuis, exterius paululum sonans, interius uero multum operans, à pluribus percipitur & auditur auribus corporis, & ab omnibus sentitur & hauritur auribus cordis. Cuius dulci modulatione & sono, uenerabilis pater Prior tactus, in tantam est diuinæ illustrationis copiam, & lachrymarum abundantiam resolutus, quod per longam moram in officio Missæ procedere nequibat. Conuentus quoque stabat stupefactus, audiens quidem uocem, ac sentiens miram & suauem operationem in corde, nesciens tamen unde ueniat aut quo uadat. Verum impleta gaudebant ui-

HISTORIA

scera illo sanctissimo flatu, & bene perceperunt, quod uere Deus illic esset, qui etiam secreta sua denudabat aliquibus, diuidens cuique prout uolebat. Et quemadmodum legitur in numerorum Num. 11. libro, ubi describitur distributio spiritus in septuaginta, quod requieuisset spiritus etiam super alios duos, qui remanserant in castris, & non exierant in tabernaculum: Ita modo apud nostros accidit, Gratiā administratā & effusam in tempore huius Missæ, participauerunt etiam fratres conuersi, existentes in capellis prope chororum adiacentibus, mira suauitate, tempore, quo & monachi. De hac sanctissima Missa, pius pater noster mentionem fecit in proxima conuentione fratrum, cum multa gratiarum actione & deuota admonitione, ut in gratia Dei permanerēt, per instantes orationes, & sanctam conuersationem in humilitate radicatam, & filialem timorem. Subiunxitq̃, Non propter me, sed propter uestram sanctitatem hæc operatus est Deus. Illic erat pia lis & concertatio, quis humiliter sentiret de seipso. Pater attribuebat omnia deuotioni filiorum, filij uero omnia sanctitati & meritis patris.

Quanta autem in hac congregatione
post

MARTYRVM ANGLIÆ. XLVIII

post hanc diem, fuerit instantia precum, non est
meæ possibilitatis enarrare: Quomodo etiam
perseuerabant unanimiter in orationibus die ac
nocte, & quomodo prosternebant se ante sum-
mum altare post matutinas, postulantes auxi-
lium de sancto, ut dignaretur Deus tueri eos.
O quoties replicauit pater Prior illam oratio-
nem David: Ego sum qui peccaui, ego qui ini- 2 Reg. 24.
que egi. Istæ oues quid fecerunt? Vertatur obse-
cro manus tua in me, & in domum patris mei.
Et illud: Pater sancte serua eos in nomine tuo, Ioan. 17.
quos dedisti mihi. Taceo de multis alijs lugu-
bribus conuentionibus & actionibus, quæ ibi
gestæ fuerunt.

Interea dum hæc ita se haberent, opponente
se fortiter patre murum pro domo Israël, &
stante ex aduerso pro omnibus sibi commissis,
& nec minis nec blanditijs cedente, sed præsto-
lante aduentum Consiliariorum domini regis,
qui edictum eius exequerentur, reuerendus pater
Robertus Laurens, Prior domus bellæ uallis,
nostræ tamen domus professus, ad Londonias
accessit uisitandi gratia, si cuncta prospera es-
sent erga patrem nostrum & pecora sua: Erat
enim uir plane religiosus, & pietate plenus.

Et

HISTORIA

Et infra biduū contigit, & reuerendum Patrem Augustinū Vuebster, professū domus de Schene, gerentē prioratū domus uisitationis beatissimę Marię, pro negocijs domus sue ad ciuitatem Londoniarum etiam aduenire: Qui diuertentes ad domum nostram, audierunt in quibus malis & periculis constituti eramus, & quo furore exarsit in nos Dominus Rex. Intimatum enim erat ei, quod Prior cum conuentu illius domus preparabat se ad resistendum, propter quod nimio furore agitabatur.

¶ *De captiuitate torturaq; trium Priorum
& martyrio eorum propter confessionem
fidei & Ecclesię Catholicę,
Caput X.*

Tunc illis tribus reuerendis patribus Prioribus considerantibus iram regis esse nuncium mortis, illam mitigare si commode potuissent, communi consilio decreuerunt, ut exitum rei committerent iudicio Dei, & illi anticiparent & precocis parent tempus expectati aduentus Consiliariorum Regis, eundo ad dictum Dominum Thomam

MARTYRVM ANGLIÆ. XLIX

nam Crouwell, constitutum à domino rege suum Vicarium in omnibus negotijs, ad implorandum, quatenus eius interuentu à regis edicto possent eximi, uel aliquam mitigationem siue alleuiationem, à tenore & rigore decreti in iuramenti præstatione obtinere. Ad quem cum accessissent hi tres reuerendi patres, eiq; sua desideria supplicationesq; humilime exposuissent, nullo modo annuebat petitioni eorum, sed eos tanquam rebelles in carcerē turris Londoniensis retrudi iussit. Ad quos, cum per unam septimanam ibi detenti fuissent, ipse cum multis alijs ex Consiliarijs Regis deuenit, propositurus eis decretū Parlamenti, quod fuit, Vt auctoritati domini Papæ abrenunciarent, ipsumq; falsè, uiolenter ac extorte usurpassè suam primariam potestatem faterentur, & omnes alias externas potestates, iurisdictionis & obedientias abnegarent, cuicunq; etiam personæ uel ordini debitæ essent aut promissæ: Soli regi suisq; obtemperarent, & ipsum Regem supremum caput Ecclesiæ, tam in spiritualibus quàm temporalibus, acceptarent, crederent, & affirmarent. Cumq; respondissent patres nostri, se consensuros omnibus, quæ & in quantum lex diuina permiserit,

O

subiunxit

HISTORIA

subiunxit ille, Nullam exceptionem admittam, siue lex diuina permiserit, siue non: Hoc integre, plenarie, synceriter in corde, & cum iuramento publico in ore affirmabitis, & firmiter tenebitis. Replicauerunt nostri beatissimi patres, Ecclesiam Catholicam aliter semper tenuisse ac docuisse. Respondit ille, Non curo Ecclesiam, uultis consentire, an non? Dixerunt illi, sese propter timorem Dei non ausos esse contraire, ac deserere Ecclesiam Catholicam, pro eo quod diuus Augustinus dicit, se noluisse credere Euangelio Christi, nisi quia sancta Orthodoxa Ecclesia ita eum instruxit ac docuit. Tunc iussi sunt iterum recludi in carcere.

Die autem ad hoc destinato, producti sunt ad tribunal, ubi cum super hoc negotio denuo fuissent requisiti, penitus contradixerunt, dicentes se nullo pacto legi Dei, doctrinae atque consuetudini sanctae matris Ecclesiae, uel in minimo uelle contraire. Quo audito, mox electi fuere duodecim uiri secundum consuetudinem iuris, qui sub praestito suo iuramento, de hac re tractarent, utrum illi tres uiri, pro eo quod noluerunt acquiescere ac subiacere decretis Parlamēti, digni essent morte an non: Qui hoc mandato habito, sententiam

MARTYRVM ANGLIÆ. L

tentiam suam distulerūt in crastinum. Ventilata autem inter eos per totū illum diem hac causa & quæstione, contradixerunt omnes, & concluderunt innocētes fore, & immunes sanctos patres nostros a transgressione legis, seque nullo modo inuenire eos posse tanquam reos occidendos. Interim suspicatus ille Vicarius domini regis, bonam conscientiam illorum duodecim uiroꝝ, uespere primæ diei, antequam palam edicerent suum uerdictū, misit ad eos sciscitandi gratia causam tantæ dilationis, & quidnam facere intenderent. Illi uero nuncio intimauerūt, tam sanctos uiros sese non ausos fore, ut malefactores morti adiudicare: Qui renūcians hęc domino suo, in iram cōcitatus, sine mora remisit ad eos dicens. Si uos eos culpabiles non inueneritis, uos ipsi mortē transgressorū subibitis. Illi tamen has minas paruipendentes, firmauerunt sermonem suum, & tunc temporis noluerunt consentire. Quod ille audiens, mox uenit ad eos, & per suas comminationes crudeles, compulit eos reddere uerdictum, uel potius falsum dictum suum, in condemnationem patrum nostrorum, reosque eos condemnare læsæ maiestatis. Quo uerdicto, per eos in crastino pro palato, data est a iudicibus sententia mortis su-

O ij per

HISTORIA

per patres nostros, eius scilicet, quæ in reos criminis læsæ maiestatis dari consuevit. Et sic denuo in carcerem detrudi iussi sunt, ubi & manserunt diebus quinque, per quos multas molestias passi sunt, illisque stantibus in magna constantia aduersus eos, qui ipsos deprimebant, mandatum fuit, ut ad mortem educerentur. Supplicium siue modus mortis (si modus dici possit, ubi supra omnem humanum modum sæua crudelitas & crudelis Tyrannis exaggerabatur) talis fuit.

Educti de carcere, statim deiectioni erant super uimicillum, uulgariter Ahyrde dictum, & resupini huic alligati fuerunt, toto corpore extenso in longum. Et sic super hoc accubantes, retro ad calces equorum per totam ciuitatem trahebantur, quousque deueniunt ad locum bubali, ubi omnes scelerati plecti consueuerunt: Qui locus distabat ab illo carcere, una leuca uel miliari gallico. Quot grauamina quantosque cruciatus per totam uiam illam pertulerunt, quando modo per turgida & aspera loca iter haberent, modo per aquosa & lutosa, quæ in uia admodum abundant, transcerentur, quis enarrare sufficiat? Sicque perductis illis ad locum determinatum, sanctus pater noster primus soluebatur. Tunc spiculator
genu

MARTYRVM ANGLIÆ. LI

genu flexit (ut moris est illius patriæ) ante eum, petens sibi indulgeri opus illud crudele in eum exercendum. O bone Iesu, quis nō fleret, Christi seruum si uideret in tanto supplicio? Quis posset non contristari, tam sancti uiri benignitatem contemplando, quàm benigne & modeste allocutus fuerit suum interemptorem, quàm dulciter amplexatus & osculatus, & pro eo & cæteris astantibus quàm pie rogauerit? Deinde iussus est scalam ascendere ad patibulum, ubi suspendendus erat, qui mitissime obtemperans, ascendit. Tunc unus ex Consiliarijs domini Regis, qui ibi stabant cum multis milibus hominum ad tale spectaculum concurrentium, petijt ab eo, si annuere uellet regiæ iussioni & decreto Parliamenti: Si uellet, uenia sibi daretur. Respondit constans martyr Christi, Testem inuoco omnipotentem Deum, & uos omnes obsecro, idem pro me in terribili die iudicij attestari, quod hic moriturus publice, profiteor me hanc inobedientiam & renitentiam contra domini nostri Regis uoluntatem, non ex aliqua pertinacia, malitia, siue animo rebellionis committere, sed solummodo ob timorem Dei, ne eius maiestatem offendam supernam, eò quod sancta nostra mater

HISTORIA

Ecclesia aliter decreuit & statuit, q̃ ipse rex uester
cū suo Parlamento ordinauit, per quod obliga-
tus sum in cōscientia mea, etiam paratus & non
turbatus, hæc, & omnia quæ possunt infligi tor-
menta, pati potius, quàm Ecclesiæ doctrinæ ad-
uersari. Orate pro me, & misereamini^r fratrum
meorum, quorum Prior fui indignus. Et his di-
ctis, inducias petijt à lictore, donec finisset ora-
tionem suam, quæ erat: In te Domine speraui,
usque: In manus tuas, inclusuē. Qua dicta, &
signo dato, euersa est scala, & sic suspensus erat.
Et mox unus astantium, antequam sancta eius
anima exiret à corpore, abscidit funem, sicq̃ de-
cidens in terram, paululum palpitare & respi-
rare cœpit,

Tunc in alium locum adiacentem tractus fuit,
ubi uestibus omnibus uolentissime extractis,
nudus super prædictum uimicillum siue traheam
rursus distenditur. In quem mox cruentus lictor
nefarias suas manus misit. Primo eius uerenda
abscidit, deinde uentrem eius dirupit, & uiscera
uniuersa, cor quoque & omnia interiora sua
euulsit ac proiecit in ignem: Ipso interim beatif-
simo patre nostro, non solum non rugiente cla-
moribus, præ intolerabili illo dolore, uerū etiam
econtra

MARTYRVM ANGLIÆ. LII

e contra per hoc totum tempus, donec cor eius
 erutum erat, continue orante, & supra huma-
 num modum patiētissime, mansuetissime et tran-
 quillissime se habente: ita, ut mirarentur nō so-
 lum præsides, uerum etiam omnis plebs, quæ ui-
 debat. Et in ultimo spiritu constitutus ac pene
 euisceratus, dulcissima uoce clamabat. Pijssime
 Domine Iesu, miserere mei in hac hora. Et (ut
 fide digni uiri affirmauerunt) tortori dixit, in
 ipsa euulsione cordis sui, Bone Iesu, quid facies
 cum corde meo? Et hæc dicens, spiritū exhalauit.
 Postremo caput eius abscisum erat ac truncatum,
 corpus in quatuor partes diuisum. Hoc modo
 iste sanctus filius uester, fidelis inuentus est usque
 ad mortem, reuerende pater. Migrauit autem
 ex hoc mundo ad Dominum, quarto die Maij,
 Anno Dñi 1535. etatis suę quadragesimo octauo.
 Prioratus uero sui quinto, tanq̃ pastor bonus,
 qui animā suam posuit, nō solum pro ouibus suis, Ioan. 10.
 sed & pro iustitia & fide Dñi nostri Iesu Christi.

Isto sancto patre ita occiso, alij duo prænomi-
 nati uenerabiles patres, Robertus, & Augusti-
 nus, cum quodam religioso uiro, nomine Regi-
 naldo, ordinis sanctæ Brigittæ, eodem crudelis-
 simo genere mortis ipso instāti successiue uexati,
 uita

HISTORIA

uita hac fuerunt priuati: Quorum omnia morticina caldarijs sunt iniecta, & aliquantulum lixa, & sic demum per diuersa loca ciuitatis suspensa. Et unum brachium patris nostri ad portam domus nostræ suspendebatur: Quod quidem brachium, pendebat ibi usq; post duos dies transmigrationis nostræ in Babylonem. Tertio aut die contigit duos ex nostris per illam portā transire: unum recedendo à domo nostra, & alterum accedendo. Et dum per euentum obuiationis mutux consistenter sermocinando, illud sanctissimum brachium decidit ad terram, nullo alio uidente, quod ualde raro inibi uisum est propter frequentationē uiatorum. Idcirco quasi pro miraculo illud nos suscepimus, & in loculo posuimus cum sanguinolento cilicio siue indusio eiusdem patris nostri, in qua martyrizatus fuit, & cum causa ipsius mortis descripta, per manus sancti Vuilhelmi ex Meurwe, quam ille misisset ad reuerendum patrem, præsidentem in domo uestra, si uita comes fuisset. Loculum autem reconditum in subterraneo loco reposuimus, donec congreget Deus congregationem populi sui, & propitius fiat. Hoc genus mortis & supplicium eos subiisse, palam est: hancq; esse causam

MARTYRVM ANGLIÆ. LIII

sam & occasionem necis eorum & non aliam,
 non solum testantur actus & statuta Parlamen-
 ti, uerum etiam ipse sanctus pater noster. Postq̃
 enim sententia mortis subeundæ in eum data
 fuit, omnia interrogata & responsa sua in hoc
 negotio, scripsit propria manu in pugillari:
 Quem pugillarem misit ad patrem Vuilhelmum
 iam dictum, procuratorem domus nostræ, qui
 mihi misero dedit eundem, quem & ego post-
 modum cuidam Hispano, uiro probo & deuo-
 to, nomine Petro de Bardis, contuli: Qui mihi
 promisit, eundem pugillarem cum portiuncula
 indusiij sancti patris nostri, sanctissimo domino
 Papæ, aut reuerendo patri tunc præsidenti in
 domo uestra, se missurū. Hæc idcirco retuli, quia
 aliqui mediocris censurę dicunt, sanctum patrem
 nostrum cum fratribus suis conspirasse in mor-
 tem domini regis, & ideo ultionis iustæ subijisse
 sententiā. Quod penitus falsum est. Et quid eges-
 mus testibus? Nos ipsi, qui uiuimus, qui relinquis-
 mur, audiuius ex ore ipsius domini Cromwell
 causam. Et opposuit nobis eandem, quoties ad
 nos uenit, sub eadem forma & cum eisdem uer-
 bis, Synceriter, integre & sine aliqua simulatio-
 ne, iureiurando abnegabitis authoritatem Papæ,

P

&

HISTORIA

& omniū superiorū uestrorū, sicut supra recitauimus.

¶ De trium aliorum Patrum trucidatione, & residuorum afflictione continua, Cap. XI.



IS sanctis ita trucidatis, ob hanc quoque causam infra tres sequentes hebdomadas, quidam infimæ conditionis homines, & nullo nomine digni, ad præfatum domini regis Vicarium accesserunt, postulantes ab eo auctoritatem, plures Carthusienses illudendi & affligendi. Quolibenter concessa, concito ad nos uenerunt gradu, ac tres alios uenerabiles patres (qui capita res manserant) rapuere, scilicet patrem Hunfridum Middelmore, tunc Vicariū existentem, & antea procuratorem domus: patrem Vuilhelmum ex Meuwe, remotū à Vicariatu procuratorem factum, & patrem Sebastianum Nendegate, sacerdotē & monachum eiusdem nostræ domus: hos tres illi immisericordes duxerunt ignominiose ad foetidissimū carcerem, ubi illos per duas integras hebdomadas cathenis ferreis circa colla & crura iniectis, constrinxerunt, & alligauerunt eos durissime, cum maxima crudelitate, erectos ad

MARTYRVM ANGLIÆ. LIII

ad postes & columnas domus, absq; ullo releuamine uel solutione, pro quacunq; necessitate facienda. Illis hebdomatibus transactis, præsentati erant concilio seorsum, ubi interrogati fuerunt de eodem articulo, ob quem pius pater noster antea peremptus fuerat. Et eodem modo eis proponebatur, quo & patri. Cumq; se nolle decretis & cōsuetudini sanctæ matris Ecclesiæ contraire, cōstantissime p̄fiterentur, eisdem supplicio, tormento, & morti adiudicati sunt, & eadem infra decem dies passi sunt, quæ & pater. Hi tres iuuenes erāt ætate, senili tamen animo, gratia & uirtutibus pleni præclaræq; profapiæ, & tertius eorum, pater Sebastianus, fuerat enutritus in domo domini Regis, omnes apprime docti, & magnæ cōstantiæ, audacter allegantes de scripturis sanctis ante tribunal Iudicū, quod Rex nō potuit sibi uendicare ex debito & authoritate iuris diuini, illam supremiciæ & primatū Ecclesiæ, quam Papæ & sacerdotibus tribuit Iesus Christus Dominus noster: lueruntq; ad mortem quasi ad epulas, suscipientes eam cum maxima mansuetudine & patientia cordis, alacritate corporis, & hilaritate uultus, spe uitæ æternæ, Anno Domini 1535, die XIX. Iunij.

P ij

A morte

HISTORIA

A morte istorum sanctorum fratrum nostrorum, duo fluxerunt anni, priusquam plures incarcerabantur, non tamen sine ingenti nostra tribulatione. Iam enim aduenerat tempus, quale non fuerat à diebus antiquis. Antea alij pugnaverunt pro nobis, & nos siluimus: modo uero extrema necessitas compulit unumquemque, pro se rationem reddere, & super custodiam suam ipsius stare, omnibus alijs adiutoribus interdictis, & à nobis exclusis. Nam non deerat certamen nobis, ne una quidem hora per quatuor continuos annos præteritos, qua à tribulationibus liberi esse potuissemus: aut foris erant apertæ pugnae, aut intus timores, præ expectatione superuenturæ tribulationis. Mors desiderabatur, sed fugiebat à nobis. Nam tædio nos superare nitebantur. Præpositi regimini domus à captione sancti Vicarij & suorum sociorum, erant duo sæculares, qui sæculariter secundarie & nimium inhumane tractauerunt conuentum. Pascebant semetipsos satis delicate, sed conuentum fame & siti pauerunt. Auferebant enim cibaria ab eis, constituentes eis parum casei, aut modicum quid tale pro alimonia qualibet die: Introduxerunt quoque non Hebræos, sed ebrios, non à uino, sed à malitia, qui illuderent

MARTYRVM ANGLIÆ. LV

illuderent & colaphis cæderent nos ubicunque potuerunt apprehendere: Subintroierunt & alij exploraturi libertatem nostram. Habuimus tamen tantam fiduciam & audaciam, quod ausi fuimus scripturis & rationibus dimicare contra talem regem. Cumq; reperissent, quod fons, qui influebat aquæductum nostrum (constantiam dico & fortitudinem illorū, qui non ceciderunt) à parte australi extra ciuitatem dirigeretur in nos (nam per gladium spiritus, quod est uerbum Dei, & testimonium autenticorum doctorum, defendebant se uiriliter fratres, parati semper ad satisfactionem omni poscenti eos rationem de ea, quæ erat in eis, fide & spe) hunc aquæductum bellantes in nos inciderunt. Abstulerunt enim à nobis libros, quos habuimus in cellis nostris, ut per hoc inermes & aridi à siti efficeremur. Erāt tamen non longe à muris fontes saluatoris, ex quibus furtim hauriebatur in gaudio aqua salutaris sapientiæ, salientis in uitam æternam: cui non potuerunt contradicere, nec ipsam tollere omnes aduersarij nostri. Et, quod omittendum non est, quamuis aliqui nostrū ita se munierunt clypeo doctrinæ, plerisq; tamen illorum plus contulerunt, & acutius ac intimius transgladiarunt

P iij uerunt

HISTORIA

uerunt corda aduersariorum nostrorum, sancta innocentia & simplicitas, quibus armati, terminos, quos posuerunt patres nostri, noluerunt transgredi, sed ut sancta mater Ecclesia eos docuit, hoc firmiter se tenere semper decreuerunt, & ore confessi sunt.

Insuper præter omnia prædicta mala, insistebant Consiliarij domini Regis, qui creberrime ueniebant ad nos, cum minis & adulationibus, ut à proposito deflecterent nos, qui frequenter nobiscum tam diu in capitulo manserunt, quod nec ut speras nec matutinas in Ecclesia cantando persolvere poteramus, propter tardum eorum digressum, per quæ maximum tædium intulerunt conuentui: Præter quotidianum eiulatum, & fletum parentum & amicorū aliorumque superuenientium, qui moliebantur suis sophisticis argumentis, & persuasionibus separare nos à charitate Christi. Tunc tempus probationis & experientiæ aderat, ad quid quenque suat adheret uoluptas, ad Deum, an ad Diabolum. Libertas carnalis (quæ est uera Dæmonum & uitiorum seruitus) concedebatur omnibus exire uolentibus; sed gratias Deo, tanta erat ibi sanctitas uitæ, constantia

MARTYRVM ANGLIÆ. LVI

constantia in animo, modestia in uerbis, hilaritas uultus, alacritas in operibus, & tale moderamen in omnibus, quod conturbati sunt omnes, qui uidebant eos : Quanquam Priore orbati erant externo, & pupilli facti absque patre, unicuique tamen sua conscientia Prior erat, interne dirigens ac instruens eos in omnibus. Super quæ attonitus ille Vicarius Regis, nolens uinci à bono, quatuor ex nostris quadam die Dominica iussit rapi extra conuentum, dum essent in celebratione summæ Missæ, & deduci ad Ecclesiam Cathedralem, ubi concursus totius ciuitatis frequentabatur, ubi etiam omnes nobiles & primates totius regni eodem die aderant, propter sermonem declamandum per quendam reuerendum patrem & Episcopum. Quo cum nostri adducti fuissent, in loco celebri statuebantur, adhibita etiam diligenti custodia uicecomitum ciuitatis, sermoneq; finito, remissi erant domum. Non pertinet ad rem, scribere quæ audierunt, sed hoc tantum, quod non profuit illis sermo.

auditus, non admixtus fidei, ex his

quæ dicta erant à

pastore ad

ipsos.

De

HISTORIA

¶ De constantium fratrum separatione:
De X. fratrum incarceratione & morte,
deq; remanentium fratrum deceptione,
ut iurarent in uerba Regis,
Caput XII.



Considerantes itaque domini Regis
Consiliarij cassam fore omnem suam
industriam & laborē, & quod nullo
modo peruertere eos possent, iniqua
pietate commoti, separauerunt eos ab inuicem,
emittentes tres ex prædictis quatuor, adiuncto
& alio (qui fuisset quartus prima die, si non sa-
cerdos hebdomadarius eadem die extitisset) in
duas alias domus nostri ordinis, in extremis re-
gni partibus, quarto die Maij, Anno Domini
1536. eodem scilicet die, quo & sanctus pater
noster passus est, anno euoluto. In hoc autem
mense, & mense Iunij, per continuos quatuor
annos, maxime efferbuit imperus tribulationis
nostræ, quamuis & alijs temporibus non dele-
ctabamur magnopere in multitudine pacis.
Anno enim Domini 1534. prima incarceration
patris nostri accidit, in mense Maij. Eodem men-
se,

MARTYR. ANGLIÆ. LVII.

se, anno sequenti, passio eius fuit facta, & incarceration sancti patris Vicarij cum socijs suis. Tertio anno hæc prædicta dispersio fratrum, quæ facta fuit non sine lamentabili præuia molestia, & perturbatione totius conuentus. In quarto quoq; anno mense Iulij, alia incarceration decem in simul fratrum, ut infra patebit: In quo etiam mense, anno secundo, passus est sanctus pater Vicarius, cum suis socijs. Et quemadmodum legitur, omnes persecutiones sancti Thomæ Cantuariensis Episcopi, ferijs tertijs accidisse: ita & incarceration & interemptio sancti patris nostri. Passiones insuper reuerendi patris sancti Iohannis Episcopi Roffensis, & beati domini Thomæ Mori, exequutæ fuerunt ferijs tertijs. Pater noster cū suis, ut patet, Episcopus Roffen, 10. Calendas Iulij, anno Domini 1535. Et dominus Thomas Morus sexto die Iulij eodem anno, perempti sunt. Sed ad rem reuertamur.

Nostri quatuor ita eiectis & dispersis, cogitauerunt Consiliarij cogitationem pessimam, ut inferrent manum super eos, qui deserti fuerunt, quasi fuissent absq; muro, uectibus & portis. Et uenerunt cum inhiante ore rapere & dispergere gregem, sed benedictus Deus, qui non dedit

Q

cos

HISTORIA

eos in captiōem, dentibus eorum manserunt
 immobiles, firmati supra petrā. Tunc miserunt
 octo illorū ad quandam domum ordinis sanctę
 Brigittę, uocatam Syon, distantem à ciuitate sep-
 tem miliaribus, ut ab inhabitantibus in ea per-
 suaderentur, consentire Regi. Erant tñ ibi mul-
 ti uiri famosi & religiosi certe, & isti frenauerunt
 ac restrinxerunt audaciam & constantiam iue-
 num nostrorum, hac solummodo occasione.
 Supremus namq; confessor ac rector illius con-
 uentus, in extremo mortis articulo constitutus
 erat, tempore eodem, quo fratres nostri inibi ex-
 titerunt: Qui conuocans eos ad se, ait. Obsecro
 uos benignissimi fratres, ut mihi ignoscatis.
 Ego enim sum reus, & causa mortis reuerendi
 patris uestri; Ego animauī eum ad cœptum pro-
 positum mortis subeundę, pro causa, qua & ip-
 se passus fuit, & uos huc adducti estis. Modo ta-
 men aliud inī consiliū, & conuenientem non
 fore causam illam mortis subeunde perspicio.
 Quibus auditis, aliqui ex nostris, quasi seni ac iu-
 dici populi, & in extremis iacenti crediderunt ei.
 Sed domum reuersis, renitebatur conscientia,
 renueruntquē tunc obedire uoci incantantis.
 Quod domini Regis Consiliarij uidentes, qua-
 si

Hic Diabolus
 per hunc uirū
 locutus est, sicut
 olim per
 serpentē Euam
 seduxit astutia
 sua: Hic eos
 decipit menda-
 cijs suis, sicut
 falsus prophe-
 ta uerum Dei
 prophetam se-
 duxit, quem
 Dominus ad
 Hieroboam
 misit.

MARTYR. ANGLIÆ. LVIII

si sagittis paruulorum plagati, uersi sunt in furiam, & domus euersionem comminati sunt, nisi consentirent. Noluerunt per hos tres annos mittere in eos manus mortis, quam diu ita omnes adunati fuerunt. Triplex funiculus non facile rumpitur. Hoc quoque predictum erat nobis, a uiro eximie sanctitatis in domo nostra, qui moriebatur diu ante hoc tempus, cui tum omnipotens Deus ea, quæ pateremur, in ueritate reuelauerat. Qui dicere nobis cõsuevit, Nolite terreri fratres, sitis unanimes in domo & in Domino. Nunquam dominabuntur uobis inimici uestri, donec dissentieritis abinuicem. Horum uerborum ueritatem iam euidentissime experti fuimus.

Nunc enim cecidit corona capitis nostri. Diuisa quippe est maceria: una pars sequebatur Hieroboam, qui peccare fecerat Israël, et altera adhesit domui Dauid, memorans iustitiæ Dei solius, quam didicit à iuuentute sua. Vna pars conuentus, uidentes angustiam rei periculum subuersionis domus imminens, & quod nihil profecerint in resistendo, sed totus mundus post regem abiit, tædio affecti, commiserunt se in periculo misericordiae diuinæ, licet non absque graui conscientiarum suarum læsione, & cum multis lachrymis

Q. n. consen-

HISTORIA

Iob 2.
 consentientes regiae uoluntati: Idque ob hoc solu-
 modo, ne deleteretur una tribus ex Israël. Accepe-
 runt sacramentum iuramenti, dicentes in cordi-
 bus suis Domino dum proponebatur. Tu scis
 Domine, quod falsum & iniquum sit, quod isti ex-
 torquent a nobis: Tu scis etiam, quod exceptiones,
 alleuiationes ac epikeias allegauimus, & illi no-
 bis consenserunt: Tu insuper uides angustiam
 temporis, & quod minantur euersionem domus, si
 non consenserimus. Sed pellem pro pelle, &
 cuncta quae habet homo, dabit pro anima sua:
 Non sunt facienda mala, ut eneniãt bona. Cum
 corda omnium nosti, & quod libenter reniteremur
 eis, obsecramus clementiam tuam, ut modum istum,
 quem exequimur forinsecus in positione manus-
 um nostrarum super librum sancti Euangelij, &
 eum osculando, non respicias, neque accipias qua-
 si affirmantes simus siue consentientes regiae uo-
 luntati, sed tantummodo suscipias in uenerationem
 sacrorum uerborum in Euangelio descriptorum,
 hanc externam nostram simulationem, ob prae-
 seruationem domus, si tuae bonitati placuerit.
 Haec est qualiscunque licet friuola excusatio, quam
 pro titubantibus allegare possum. Et certissime
 scio, quod reuera ita acta sit: Sed non in hoc iustifi-
cati

MARTYR. ANGLIÆ. LIX

cati sumus, nolo recitare historiam Naaman, nec aliud inferere de libro Baruch, ad hanc simulationem nos inducens, ne declinem cor meum ad excusandas excusationes in peccatis, sciens quod scriptum sit: Nisi iustitia uestra precelluerit iustitiam Scribarum & Phariseorum, non intrabitis in regnum cœlorum.

Et hoc in ueritate comperientes residui de cōuentu, noluerunt facere præseruationem lapideæ domus preciosiorem q̃ se, sed præponentes statim materiali domui salutem animæ suæ, cuncta quæ habuerunt, libenter dederunt pro anima sua, & nullam suscipere uoluerunt redemptionē per aliquam simulationem, sed constanter contradiexrūt Regi, ut meliorem inuenirent resurrectionem, & domum non manufactam haberent in cœlis. Numerus istius residuæ partis fuit denarius, tres sacerdotes, quorum unus uocabatur Richardus Beerer, alter Thomas Iohunson, & tertius Thomas Greenez, unus Diaconus, uocatus Ioannes Dany, et sex conuersi, qui fuerūt, Vuilhelmus Grenewode, Thomas Scryuē, Robertus Salte, Vualterus Person, Thomas Redyng, & Vuilhelmus Horne, omnes professi eiusdem nostrę domus Londoniensis. Et hi om


Q in nes.

HISTORIA

nes retrusi erant quarto Calen. Iunij, anno Domini 1537. in carcere foetidissimo, in ciuitate uocata Nenugate, ubi omnes in breui, uno excepto, propter squalorem & foetorem carceris moriebantur. Quod audiens ille prænominatus Regis Vicarius, admodum egre tulit, durusque uexaturum se eos, si uixissent, cum magno iuramento affirmabat: Ille autem frater conuersus superstes, in carcere nomine Vuilhelmus Horne, per quadriennium ibi mansit incolumis. Tandem eductus, quarto scilicet die Nouembris, anno Domini 1541. morte, quam & reuerendus pater noster passus est, & ipse finiuit uitam suam, euisceratus & in omnibus dilaceratus membris, sicq; patrem sequuta est sua proles, inter omnes diutissime & durissime uexatus, & necatus pro amore Iesu, & pro fide sponsæ suæ Ecclesiæ Catholicæ, potius quàm falsum dicere aut iurare uoluisset.

¶ De duorum residuorum fratrum suspensione, & finali conuentus & domus desolatione,
Caput XIII.

Præterea



Prætere dum hæc ita circa nos age-
rentur, facta est cōmotio magna in
regno, & insurrectio vulgi aduer-
sum Regem: Qua sedata, quidam
nobilis, uicinus illi domui, ubi duo prædictorum
quatuor dispersorum fratrum hospitabantur,
adit præfatum Regis Vicarium, suggerens ei,
illos duos monachos Carthusianos domus
Londoniensis, quos miserat in aliam domum ei-
usdem ordinis, prope uillam de Hulle, adhuc re-
bellasse, nolentes obedire Regis imperio. Quod
ille audiens, dedit ei potestatem tractandi eos se-
cundum legis rigorem. Qui desiderata & præ-
optata iussa completurus, adduxit eos foras in
ciuitatem Eboracensem, ubi coram duce North-
folciæ, in tempore, scilicet quinto Idus Maij, an-
no Domini 1537. tritici reddiderunt mensurā,
suspensi erant in cathenis, donec omnia ossa eo-
rum ab inuicem deciderent. Horum nomina fu-
erūt, Ioannes Rhochester et Iacobus Vuannert;
ambo monachi sacerdotes et professi ex domo
nostra Londoniarū. Alij duo cum eisdem expul-
si, in aliam partem regni post integrum annum
& dimidium, per uisitatores ordinis limitatos
& constitutos, ab ipso Regis Vicario missi fue-
runt,

HISTORIA

runt, ad prædictam domum ordinis D. Brigittę, ubi aliqua disceptatione cum eisdem habita, incidebant tandem in illam simulationem (quibusdā epikeijs adhibitis) in quam & ceteri consentientes regię uoluntati, spei quidem frustratę innixi, uanisq; persuasionibus & promissionibus illecti, abstracti, & seducti. Promittebatur enim indelebilis inconcussaq; stabilitas & præseruatio domus, nobis cōsentientibus regię uoluntati. At nullam citius deleuerunt.

Infra annum enim, postquam nos consenseramus, irritum illi fecerunt suum pactum. Omnes namq; nos expulerunt a domo, duxeruntq; in Babylonem. Numero quidem duodecim professos monachos, tres hospites, & sex conuersos professos, Anno Domini 1539. die decima quinta Nouembris, die inquam amara ualde, qua hereditas nostra uersa est ad alienos, domus nostra ad extraneos, factaq; domus struthionū, lupanar, prostibulum, diuersorium scortantium, & frequentatus locus palæstrarum & lusorum. In Ecclesia autem regia tentoria & arma bellica reponebantur, imagines non solum sanctorum, sed etiam sancti crucifixi cultellis cōciderunt, & pedibus conculcauerunt: super altaria

MARTYRVM ANGLIÆ. LXI

ria sancta saltantes, choreis luserunt & aleis, ac alia plura detestabilia & nefanda in illo loco sacro, potius deffenda q̃ recitanda, commiserunt. Anno tamen penultimo transacto, mundata est domus nostra ab his spurcijs, & data cuidam militi, nomine Edimardo Northe, qui inibi iam sibi construxit palatium, de Ecclesia triclinium suum fecit, & propemodum totum claustrum cuertit.

Hæc est summa legationis meæ, Reuerende Pater, & ille est somnus, quem dedit Dominus dilectis suis, filijs uestris, quoniam fructus est iusto. Itaque iudicauit eos Deus in terra, ut fructum plus afferrent in patientia, & maiorem gloriam acquirerent in hæreditate Domini: quam à Deo datam esse his sanctis suis, qui fidem suam nunquam mutauerunt ab eo (quibus cooperantur omnia in bonum diligentibus se) non ambigimus.

R De reuela-

HISTORIA

¶ De reuelationibus, quibus Dominus sanctos
Martyres suos post mortem glorifi-
cavit, Cap. XIII.



Esa. 61.

Rætermittens autem legem & testi-
monia, etiam internam certificatio-
nem & testificationem in spiritu
quibusdam ex nostris factas, de ult-
ta & gloria sanctorum martyrum nostrorum, pau-
cis tangam quoddam miraculum, deinde manife-
stam uisionem & aliam reuelationem, ut sciatur in
genibus semine eorum, et germen eorum in medio
populorum, ac omnes uidentes & audientes, cog-
noscant quia isti sunt semen, cui benedixit Do-
minus. Quidam frater erat, nomine Richar-
dus Crotus, in domo sanctæ Annæ nostri ordi-
nis, sita iuxta ciuitatem Conuentriæ, qui in bres-
ui post mortem sancti patris nostri, & prædicto-
rum fratrum, prægrauatus tentationibus uarijs,
incidit in laqueum Diaboli, desperando de mise-
ricordia Dei, destinauitque se mergere in pisci-
nam quandam, quæ erat in horto conuentuali.
Ad quod perficiendum, exiuit cellam suam in
tempestæ noctis silentio, circa horam quidem
nonam: perueniensque ad dictum locum, uolu-
it

MARTYR. ANGLIÆ. LXII

it se statim immittere, & non potuit: Perambu-
lanſque ſuper ripam fluminis hac atque illuc, uſ-
que ad horam undecimam, ſæpe tentauit ſuum
iniquum conceptum perficere, ſed ſemper præ-
pediebatur. Cumque conueniente ad matuti-
nas conuentu, ipſe tardaret uenire, egreſſus eſt
infirmarius accerſum eum, eoſque non inuento
in cella, ſignificauit Priori: Qui cum alijs ueniens
in cellam abſentis, uiderunt ſcalam innixam mu-
ro horti cellæ ſuæ, per quam ſuſpicati ſunt illum
fugam feciſſe, hanc tamen nutu Dei unus illo-
rum ſcandens, inroſpexit in hortum conuentua-
lem. Et ecce uidit ſtatim circa piſcinam lumen ma-
gnum, quod cum patri ſuo Priori aliſque aſtan-
tibus indicaret, cucurrerunt illuc omnes cum fe-
ſtinatione. Quo ingreſſi uiderunt fratrem am-
bulantē in una parte piſcing, ſæpe conantē ſe mer-
gere, & ſemper repulſum, lumenq; magnū non
omnes, ſed duo tantū eorum uiderunt in altera
parte, in qua affirmabant pro certo, uidere ſe eti-
am patres noſtros omnes qui paſſi fuerant, in-
tromittentes ſe inter fratrem & aquam, quoties-
cunque attentauit ſe immergere uel immittere.
Cum uero iſti approximarent ripe piſcing, diſpa-
ruit lumen, cōprehenſumq; frairem, toto corpo-

R ij re

HISTORIA

re tremantem, uixque loqui ualentem, duxerunt in cellam suam, ubi pyra accensa, & spiritu eius aliquantulum refocillato, interrogauerunt eum, quid nam facere intendebat. Respondit ille, se perrexisse illuc, ut se immergeret, & citius liberaretur ex hac mortali uita, sciens damnatum se esse, sed non potui, ait. Detentus enim eram à quibusdam, qui me introgressurum impedierunt, & se semper interposuerunt inter me & aquam: tamen neminem uidi, nec scio qui nam erant. Reuerendus pater illius conuentus, qui etiam huic spectaculo aderat, propalauit hoc quibusdam fratribus in domo nostra, addens insuper eundem fratrem liberatum fuisse immediate à grauissima sua tentatione.

Modo ad reuelationem uenio. Duo erant fratres in nostro claustro Londoniensi, pio & familiari amore adunati. Contigit autem unum illorum, nomine Robertum Fabri, in breui post mortem reuerendi patris nostri decidere in letum ex infirmitate, qua denique & mortuus est. Ad quem ægrotantem accessit alter, nomine Iohannes Darley, sibi ualde familiaris uisitandi gratia, qui inter cætera dixit infirmo. Dilecte frater,
uiam

MARTYR. ANGLIÆ. LXIII

uiam uniuersæ carnis iam pergis, te intime obtestor, quod quando bene tibi fuerit, huc reuertaris Deo ita disponente, & indices mihi quid actum sit cum patribus nostris, & in quo statu sint. Respondit alter se facturum quod petierat, si ita fuerit uoluntas in cœlo. Post unam septimanam appositus est infirmus ad patres suos, iamque quintus dies post eius obitum aduenit, & alter frater, qui uiuus erat et incolumis, deambulabat in cella sua circa horam quintam in aurora, orans & quid salubre ruminans in mente sua. Apparuit subito frater, qui erat mortuus in ueste candida, & factus est socius itineris. Qui requisitus, quis esset, respondit: Frater uester, qui tali die migravit ex hac uita. Interrogatusque quomodo secum esset, & cum patribus nostris, Bene (ait) mecum est. In cœlesti gloria sum, fruens Dei uisione gloriosa, Gratias ago Deo meo: sed in multo minori & inferiori gloria sum constitutus, quàm patres nostri, qui passi sunt. Illi enim sunt in magna gloria, pro martyrii palma coronati. Et pater noster Prior huius domus, habet unam coronam præ ceteris splendidiorem. Hoc dicto disparuit.

Hæc uisio postmodum relata fuit Consilia-

R iij rjs

HISTORIA

rñs domini Regis, qui accersito fratre, cui ostensa fuit, post multas inquisitiones & exprobra-
tiones comminati sunt ei, ne cuiq; eam intima-
ret, uestre tamen Fraternitati illam retuli, quo
certiorem eam facerem, de gloria retributionis
eorum in hæreditate Domini, tamen illa per les-
gem magis & testimonia innotescere queat, cum
passi sint pro ueritate & iustitia, cui ex debito
promissionis diuinæ debetur regnum cœlorum:
de qua iustitia dissonum est me loqui, cum sim
iniustus & eam dereliqui. Et certe si erubescere
possem, & mihi non esset cor prauum & malig-
num, immo diabolicum, mihi præ dolore & con-
fusione magis liberet plorare, q̃ scribere, consyde-
ranti, ubi sum & ubi non sum, quæ habeo & quæ
amisi, quo tendo & unde excludor. Sed condo-
leat obsecro sanctitas uestra miseris me, & sub-
ueniat mihi apud altissimum suis sanctis oratio-
nibus, ne Dominus erubescat me, cum uenerit in
maiestate sua coram Deo & angelis suis, quem
ego multipliciter erubui, & enormiter inhonora-
ui prauis actibus meis: Et constituat mihi locum
habitationis in domo N. (cuius reuerendi patris
Prioris, & deuoti conuentus importuna inter-
pellatione, hoc scribendi onus assumpsi) ubi re-
condam

MARTYR. ANGLIÆ. LXIII

condam & tegam perfecta pœnitentia pullos
meos, quos genuit mihi miseria mea in terra cap-
tiuitatis meæ, & recuperem annos per gratiam
Dei, quos comedit locusta in iniquitate & malis-
tia mea. Idem opto pro quodam deuoto fratre,
nomine Joanne Perdon, qui simul mecum per-
regrinatur in terra aliena, hospite in domo no-
stra Londoniarum, tempore ipso dissolutionis:
& pro quodam fratre conuerso, nomine Hugo-
ne Taylour, eiusdem nostrę domus Londonia-
rum professo, qui mecum huc aduenit. Et hoc
munus non sculptum & politum, sed insciolū &
agreste, non de manu offerentis aurum uel ar-
gentum aut lapides preciosos, sed de uitulo no-
uello, cornua producente & ungulas, placido
ac sereno uultu accipiat quæso benigno ani-
mo. Valeatque reuerenda Paternitas ue-
stra, quam seruet incolumem cum om-
nibus suis in uitam eternam pius &
misericors Iesus Christus Do-
minus noster, Amen.

Epilos

EPILOGVS.

Hæc habui, quæ in præsentiarum de sanctis illis Martyribus commemorarem, summa tantum rerum secutus fastigia. Nam singula ad longum referre, quæ ipse quidem non ex alijs accepi, sed præsens comperi, quorumque omnium pars ego magna fui, nimis & mihi & Lectori fuerit tædiosum, cui rei gestæ historiam simpliciter ob oculos ponere, nō longis ambagibus uel exquisitis commentarijs onerare uisum nobis fuit. Illud tamen uelut auctarij uice adijciendum putavi, quod nemo eorum, qui nobis perniciem, exitiumq; machinati fuerant, diu superuixerit, diuturnamque uoluptatem ex suis istis facinoribus perceperit: cum non multo post omnes uel uiolenta eaq; ignominiosa morte perierint, uel alioqui ad summam egestatem peruenerint, inq; extremas uitæ humanæ calamitates inciderint. Nam ipse Thomas Cromwel, Vicarius Regis, infra biennium à nostræ profligationis tempore propter crimen læsæ maiestatis, capite multatus est. Custodes uero domus nostræ, ad inopiam & mendicitatem relabentes, miserè uitam suam finiêre. Item mulier quædam ex contemptu & pertinacia Ecclesiam nostram ingressa, nobis sacrum facientibus, infra quintum diem infoelicit

ter

ter, hoc est, in magno acerbissimorum cruciatuum dolore expirauit. Adeo uerum est, quod ait Psalmista : Preciosa in conspectu Domini mors sanctorum eius, ut quæ & finis sit laborum, & uictoriæ consummatio, aditusque & ianua ad uitam sempiternam. Sicuti è contrario mors impiorum pessima est, quorum & natiuitas mala, & uita quidem tanto peior, quanto ipsi sanctis martyribus insuper cœlesti gloria constitutis, post decursum istud afflictæ militiæ spatium, sunt inferiores : quippe quorum meritis ipse Dominus Deus, tanquam iustus iudex, æterna destinauit supplicia, idque in ipsa flagrantis indefinenter gehennæ abyssu, à qua uos misericorditer tueri non dedignetur Dominus noster Iesus Christus, unicus nostræ salutis reparator.

AMEN.

S PRE.

PRECATIO.

O pie cunctorum pater & miserator Iesu,
Largifluusq; omnis fons & origo boni.
Qui clipeo fidei confirmas corda tuorum,
Ut sanctum celebrent nomen ubiq; tuum,
Despiciantq; undas, ferrumq; ignesq; crucesq;
Verbera carnicum, uulnera, probra, neces.
Dummodo persistant precioso in amore perennes,
Quo mens ardescit tota sacrata tibi.
Nos quoq; magnanimos præ te contemnere mundi
Omnia, perficias seu bona siue mala.
Ut cum martyribus quondam feliciter istis,
Contingant nobis gloria, uita, decus.

Carmen insigne, De institutione ordinis Carthusiensis.

Insolidum, sed grande tamen cunctisq; tremendum,
Iudicium in terris prodidit ecce Deus.
Doctrina uitaq; simul clarissimus olim,
Doctor obit funus maxima pompa colit.
Dumq; sacerdotum solemnia personat ingens
Turba, Caput feretro protulit ille suum.
Vocq; terribili sese (est res mira) professus,
Iusto accusatum iudicio esse Dei.
Exanimisq; iterum, finita hac uoce recedit,
Obsupere omnes ac timere nimis.
Quare etiam statuere diem qua corpus humetur,
Adfuit hic sapiens, inspiensq; simul.
Dumq; alius mirans, alij noua gesta recenset,
Exurgens iterum, subdidit ista dolens.
Iusto lata Dei de me est sententia nostri
Iudicio, his dictis uita repente fugit.

Obriguer

Obriguere omnes, dubijq; ad uerba sequentem
Vsq; diem seruatum, ossa tegenda uiri.
Fama uolat, diues, pauper, iuuenesq; senesq;
Accurrunt: funus iam sepelire parant.
Tunc alto moestoq; simul clamore profatur,
Iusto damnatus iudicio ipse fui.
Hinc Bruno sex suis socijs, deserta petiuit,
Ductor ad hoc arcum religionis iter.
Quos prius in somnis septem per sidera Hugoni,
Dignatus Deus est prodere Pontifici.
Qui Carthusiacos montes his cecit amice,
Inclita nunc quorum sanctaq; fama uiget.

SAPPHICVM CARMEN
Sebastiani Brant. LL. Doctoris, de laude
ordinis Carthusiani.

Spiritus sancti mihi gratiam da
Summe coelorum moderator o rex,
Ordinis laudes ualeam sonare
Carthusiani.

Ecquis ad uitam leuius beatam,
Quisue secure, citiusue tendit?
Tutius quis nam sua fata anhelat
Carthusiano?

Bruno tu foelix merito fereris,
Qui uiam latam fugiens sinistra,
Arripis dextram, prior atq; factus
Carthusianus.

Abdito quaerens socijs receptis
Ut loco degas, eremum legebas,
Hortus insignis duce te rigatur
Carthusianus.

S ij Spera

Spernis hæc mundi, bona quæ putantur:
Præteris cleri tumidos honores:
Quos queas plures habuisse, factus
Carthusianus.

Tu sacri iuris fueras peritus:
Pagine sanctæ docilis magister:
Charus & multis, nihili ista pendis
Carthusianus.

Inter amfractus, dubiasq; mundi
Semitas: arctam peregre capefcis
Et uiam certam propere insequutus,
Carthusianus.

Addo quod Papam uariasq; pompas
Curie temnens: Calabros adisti,
Hos doces normam, struiturq; turris
Carthusiana.

Nullus obstabat labor aut grauamen,
Quo minus semen iaceret salutis,
Corda foecundans, bonus iste miles
Carthusianus.

Bruno tum demum uenerande claudis
Vltimam uitæ, peragisq; metam:
Pace transmigrans superas ad aulas
Carthusianus.

Regulam linquis satis eminentem
Patribus multis placidam sacratis.
Pontifex summus probat & decorat
Carthusianos.

Arce nec celsa potuit latere
Ciuitas, lumen modio tegi nec:
Crescit, & passim procul auctus ordo
Carthusianus.

Non

Non rigor quondam Scythiæ, aut Canopi

Accolis maior, Nitriæ montis:

Quàm seruent casti modo, sobriiq;

Carthusiani.

Hactenus nunquam fluuio perhenni

Deserit fontis ueteris saporem,

Degener nunquam fuit ordo uisus

Carthusianus.

Vos odor Christi bonus, aggregatus

Ex cœnobitis & anachoretis,

Plane Baptistam tamen æmulantes

Carthusiani.

Mundus haud dignus fuit, ut teneret

Abditos cellis eremum colentes,

Pellibus cinctos capreis, melotis,

Carthusianos.

Lugeant quamuis spacio momenti,

Et licet semen iaciant gemetes,

Attamen læti ueniunt manipulis

Carthusiani.

Inclytos fructus parit & suaues

Arbor, hanc uitem probat hortulanus,

Palmites quæ fert uiridantis uuæ

Carthusiano.

Sabbata & foedus Domini tenetis,

Estis eunuchi Domini uolentes,

In domo uobis locus est herili

Carthusiani.

Vnicus tecti tuguriq; custos,

Peruigil passer, meditans columba,

Et Pelicanus, eremi colonus

Carthusianus.

S iij Tur=

Tartur o Christi speciose, moerens
Tu gemis sponso uiduate charo,
Fronde non curas uiridi cubare
Carthusiane.

Respice quicquid iubeat uoluptas,
Balneum uitas, teneros amictus,
Carnibus uesci fugis, abstinendo,
Carthusiane.

Ipse non quæris hominum diem, nec
Arrogas laudes populi caducas,
Gloriæ spernis stimulos inanes
Carthusiane.

Vnius flocci patriam, parentes,
Liberos, fratres, facit & sorores,
Atq; fortune bona cuncta temnit
Carthusianus.

Sæculi sordes fugit & prophanat
Et suam uitam, nihil ista curat,
Dulce nil Christo sine, nil amœnum
Carthusiano.

Qui iugum letus teneris ab annis
Pertulit, solus sedet & tacebit,
Se super gaudet fore se leuatum
Carthusianus.

Veste procedit cito nuptiali
Obuiam sponso, manibus nitentes
Lampades gestans, oleo decoras
Carthusianus.

Excubat, longas meditatur horas,
Crastinæ nullus labor est diei,
Quidûe manducet, bibat aut fruatur
Carthusianus.

Insuper carnem uiolant domando
Incolant cellas, uigilant, precantur,
Abstinent, corpus maceratum flagellis
Carthusiani.

Vnius iussum tolerant Prioris
Quicquid mandat, peragunt uolentes,
Precipit si quid grauius, facefcunt
Carthusiani.

Rarior casus, facile inde surgunt,
Parauolos petrae propere atterendo,
Baltheo lumbos, ueneremq; stringunt
Carthusiani.

Id quod elongans facit hos subire
Claustra deserti fugiunt, manentes,
Milites Christi lachrymis uacando
Carthusiani.


Sint licet plures populo ferentes
Pabulum, pauci faciunt, sed eheu
Quæ docent solus opere ista monstrat
Carthusianus.

Recte foelicem, penitus beatum
Teque perfectum, sine labe, dicam,
Iam Vale nostri memor ordo sancte
Carthusiane.

FINIS.

Moguntiae apud S. Victorem excudebat
Franciscus Behem. Anno

M. D. L.



GEO. PEPBODY

271

.71

c395

1550

c.1

4356072
12 DE 12

C1784
col. AD/BR

